

W-44

XIV 3

523

N^o = 39

252' 323.1 ±

301

Ա-44 Լ. ԱՂԱՅԵԱՆՑ

PA
27719

ԺԱՄԱԿԱԿԻՑ
ԱՏԵՆԱԿՈՍՈՒԹԻՒՆ

Նմէր «ՄՈՒԲՃ»-ի տասնամեայ
անթիծ եւ անխոնչ գործունէովթեանը

առ. 16.726

(Արտադրած «ՄՈՒԲՃ» ամսագրից)

Թիֆլիս
Հայարան Մ. Գ. Գրատիկանց
Տպոգր. Մ. Դ. Ռոտինանց ն. Գօն. գր.
1898



523-162

ԺԱՄԱՆԱԿԱԿԻՑ ԱՏԵՆԱԼԽՈՍՈՒԹՅԻՒՆ

Дозволено Цензурою. Тифлисъ, 16 Ноября 1898 г.

Կեանքումս ատենախօսութիւններ շատ եմ լսել,
բայց նրանցից ոչ մէկը կարող չէ համեմատել այն
ատենախօսութեան հետ, որ ես լսեցի մօտ ժամանակ-
ներս։ Եկեղեցին հոյակապ էր և փառաւոր։ Նրա մէջ
չկար ոչ մի սիւն։ Երեխ առաստաղը երկաթակապ էր։
Բեմ բարձրացաւ մի երիտասարդ քահանաց, նիհար,
բայց համակրելի գէմքով, երկայն հասակով և կրա-
կոտ աչքերով։ Զայնը մաքուր էր և զօրեղ, առողա-
նութիւնը քազցրահնչիւն և զուրեկան, ասածները
նոր և ազգու։ Ես միայն մօտաւորապէս կարող եմ
հաղորդել, թէ ինչ էր նրա առենախօսութեան բնա-
րանը և բովանդակութիւնը, առաջուց խոստովանե-
լով, որ իմ գրածովս չեմ կարող կինդանի խօսքի
զօրեղ տպաւորութիւնը գործել, նրա պէս հմայել և
չափշտակել, քանի որ խօսելու եղանակը, ձեր և
կենդանութիւնը զրի առնել կարելի չէ։

—Յարգելի եղբայրներ և քոյրեր,—այսպէս սկսեց
ատենախօսը։ —Ի՞նչ բան կարող է մեր սրտին, մեր
հոգուն և մեր մոքին այնքան մօտիկ լինել, որքան
նոյն իսկ աչդ սիրացը, այդ հոգին և այդ միոքը, որ-
քան մեր անձը, մեր կեանքը և մեր կեցութիւնը։



388-20/3

Մենք մեր քթերը չենք տեսնում, որովհետեւ շատ է մօտիկ մեր աչքերին: Մենք քննում ենք երկնքի երեսը — և հենց այդ միջոցին ընկնում ենք մի փոսի մէջ: Այսպէս մօտիկը տեսնելու, մօտիկը հետազօտելու և ուսումնասիրելու սովորութիւն չունինք: Եւ արժէ միթէ հետաքրքրւիլ մօտիկով, որ շատ տեսնելուց արդէն դառել է մի շատ ծանօթ բան: Այսօր ես շատ մօտիկից պիտի սկսեմ իմ ատենախօսութիւնը. ես պիտի խօսեմ մեր ապրելու մասին. պիտի ցոյց սամ, թէ ինչպիսի երեսը է մեր ապրելը, ինչպիսի պահանջներ ունի և ինչպիսի ազգեցութեան վրայ:

Նախ և առաջ այս հարցնենք, թէ ինչու համար ենք մենք ստեղծւած. և մի՞թէ մենք մեր յօժար կամքովն ենք լոյս աշխարհ ընկել: Ինչպէս ծնւել ենք առանց մեր կամքի, նոյնպէս և ապրում ու մեռնում ենք առանց մեր կամքի: Մեր քնութիւնն այնպէս է ստեղծւած, որ ծնւելուց յետոց պիտի ապրենք: Կեանք ասածդ ահա այս ապրելու վրայ է հաստատւած: Այս կեանքի մէջ ամեն մարդու միակ հոգսն է նրա ապրելը: Ինչ որ անում է մարդ՝ թէ լաւ և թէ վատ, ապրելու համար է անում: Ամեն ոք աշխատում է՝ հնար եղածին շափ՝ լաւ ապրել, Մարդ չի կարող ոչ մի քայլ անել կամովին, որ ապրելու համար չլինի: Ամեն մի հաստատութիւն՝ քաղաքական, կրօնական, բարեգործական, մարդասիրական, պատերազմական, թշնամա-

կան, բարեկամական, ուսումնարան, արհեստանոց, գործարան, խանութ և ամեն տեսակ բնակարան — բոլորը, բոլորը ապրելու համար են: Բոլոր մոլութիւնները, — գողութիւնը, մարդասպանութիւնը, խարեւութիւնը, ստախօսութիւնը, մատնութիւնը, գաւաճանութիւնը, ագահութիւնը, ինչպէս և բոլոր առաքինութիւնները, որոնք թւով անհամեմատ քիչ են մծութիւններից, — բոլորն էլ ապրելու համար են կատարւում:

Ապրելու ցանկութիւնը այնքան բնական և այնքան գորաւոր է մարդու մէջ, որ նա կարող չէ ներկայացնել իրան, թէ կարելի է և չապրել: Թէպէտ փորձով գիտէ, որ մահկանացու է, որ մի օր պիտի մեռնի, բայց կարող չէ թոյլ տալ, որ մեռնելուց յետով էլ նա ապրելու չէ յաւիտեան, և այն էլ աւելի լաւ կեանքով, քան թէ անեցնել է այս աշխարհում: Հաւասացած է որ դժոխքումն անգամ ապրելու է, թէեւ տանջւելով: Միթէ քիչ կան այս աշխարհումն էլ տանջւելով ապրողները բայց դարձեալ ապրում են, յուսալով, որ մի օր էլ լաւ կապրեն՝ եթէ ոչ այս աշխարհում, գոնէ միւսում:

Մարդն ապրել ուզենալով նաև մեռնելուց յետով, ստեղծել է մի յաւիտենական աշխարհ, անհամեմատ գեղեցիկ, քանի թէ այս աշխարհն է: Այնտեղ ամենքն էլ՝ այր թէ կին, ծեր թէ մանուկ՝ հաւասարապէս երջանիկ են: Ներկայ աշխարհի զանազան դասակարգերը, զանազան բարձր ու ցածր

աստիճանները այնտեղ գոյութիւն չունին: Բայց արձակ հաւասարութիւն է տիրում ամենի մէջ: Ահա հին մարդու ապրելու իդէալը, որ նոր մարդու իրագործութեանն է սպասում:

Մի ժամանակ, երբ աշխարհիս կեցութիւնը ներկայիս համեմատութեամբ շատ դառն էր, իսկ վերացական կրօնասիրութիւնն աւելի սաստիկ, այս յաւիտենական կեանքը չափից դուրս էր դրաւիչ ու չափից դուրս շատ մարդիկ էր քաշում դէպի ինքը: Մարդիկ տուն ու տեղ, կին ու զաւակ թողած, փախչում էին այս անցաւոր աշխարհից և քաշւում անապատներ, այնտեղ ճգնում, որ սրբեին իրանց մեղքերից և հրեշտակների դասին արժանանան: Հիմա եկէք ու ասացէք որ այդ մարդիկը նոյնպէս ասրելու համար չէին ացգպէս վարւում, և այն էլ այնպէս ապրելու, ինչպէս միւս կեանքի ապրելն էր պատկերանում իրանց երևակացութեան մէջ: Բանի վրայ նոյն ժամանակի տեսակէտից նայելով՝ պիտի ասենք, որ այդ մարդիկը իրանց ժամանակակիցների մէջ ամենից խելօքն էին: Ի՞նչ բան էր մի քանի տարւայ թեթև տանջանքը՝ համեմատած այն յաւիտենական երջանկութեան հետ, որ պիտի ձեռքբերէին: Դեռ չեմ ասում այն պատիւները որ կենդանութեան ժամանակ ստանում էին բազմաթիւ ու խտաւորներից, և այն, որ այս աշխարհում էլ պիտի սուրբերի կարգն ընկնէին և պաշտէին:

Երևակացութիւնը, որով մարդ զանազան ցնո-

բական աշխարհներ է ստեղծում՝ թէ չար և թէ բարի, թէ երջանիկ և թէ թշւառ, հեթանոս հընդուցուն ստեղծել է տւել մի ամենաթշւառ և ամենասուկալի կեանք: Նրանց հայեացքով՝ ապրելը մի տանջանք է, որովհետեւ մարդ մի անգամ չէ ծընւում և մէկ անգամ մեռնում, այլ անորոշ թւով շատ անգամ: Նա շարունակ ծնւում ու մեռնում է և այն էլ ամեն անգամ մի ջոկ կերպարանքով, երբեմն մարդու և երբեմն այլ և այլ կենդանու, գազանի, սողունի, թռչունի և այլն: Եւ որքան ստոր է լինում մարդու հոգին, այնքան ստոր և պիղծ արարածի մէջ է մտնում նա: Յայտնի չէ, թէ որքան է տեսում այս մարմնափոխութիւնը միւնոյն հոգու համար, բայց վերջ ի վերջոց այլ ևս չի կրկնում նրա ծնունդը և նա ընկնում է յաւիտենական լրութեան գիրկը, ուր այլ ևս տանջանք չկաց, այլ մշտնջենական հանգստութիւն:

Զնայած այս գժոխային տանջանքին, հնդկացիք գարձեալ ապրում են: Եւ ի՞նչ անեն որ չապրեն, քանի որ մարմինն սպանելով հոգին չեն կարող սպանել. նա պէտք է աւելի մեծ տանջանքների մէջ ընկնի: Բայց դրանց երևակացութիւնն ստեղծել է մի այլ տեսակ մարմնասպանութիւն, որով հոգին ազատում է մի նոր մարմնի մէջ մտնելուց և ուղղակի գնում է իր հանգստանալու տեղը: Սրանց ճգնաւորութիւնն է այս: Ճգնաւորը պէտք է իր յարաբերութիւնը այս աշխարհի հետ բոլորովին կտրէ,

մարմնական և հոգեկան կրքերը բոլորովին ոչնչացնե, իր մարմնաւոր գոյութիւնը չզոյսութեան վերածէ, և զուտ հոգով վերանայ իբրև մի անմարմին գոյութիւն: Եւ հոգիացին ինքն իրան դժոխալին տանշանքների է ենթարկում՝ այդ վերացման աստիճանին համեմու համար: Մարդկային նախանձն ու սնափառութիւնը այսուեղ էլ է խաղացնում պոչը. ճգնաւորներն աշխատում են միմեանց գերազանցել մարմնասուլանութեան ասպարիջում: Եթէ մէկն իր քիթն է կարում, միւսը և՛ քիթն է կարում և՛ աչքերը հանում; երրորդը ականջներն էլ է խացնում, չորրորդն այդ բոլորն անելուց յետոյ՝ լեզուն էլ է կարում, հինգերորդն այնպէս է անդամասում իրան, որ գառնում է մի կոյտ մարմնական զանգւած: Մենք պիտի զարմանանք, որ մեր ճգնաւորները սրանց պէս չեն վարել, քանի որ Աւետարանի մէջ էլ ասւած է, որ «Եթէ աչքդ գայթակղեցնէ քեզ, հանիր և դէն ձգիր. Եթէ ձեռքդ գայթակղեցնէ քեզ, կորիր և դէն ձգիր»...

Բուդիան սկզբումը փորձեց իրան այդ տեսակ ճգնութեան ենթարկել. բայց տեսնելով նրա անօգուտ լինելը, հոգեպէս վերանալն ու յափշտակւելը բաւական համարեց: Մայրայեղ ճգնութեան մէջ նա սնափառութիւն է տեսնում և նախանձ, որ սուրբ մարդը պէտք է չունենայ. աւելի լաւ է համարում ողորմութիւն հաւաքել և բաժանել աղքատներին: Հողու վերացումով և բարեգործութիւնով կա-

րող է բացարձակ սրբւել մարդ և արժանանալ նիրւանացին ողղակի: Բայց թէ ինչ էր Բուդիայի նիրւանան, այդ մեզ ներկայացնել չենք կարող, որովհետեւ դա մի չգոյ էակ էր, մի չէութիւն, որ սակայն գոյութիւն ունէր Բուդիայի երեակայութեան մէջ: Բուդիան, որ նոյն էր բրահմականութեան համար, ինչ որ Քրիստոս հրէութեան, աղօթքի դէմ էր, և իր հետեւողներին աղօթք չսովորեցեց՝ ասելով.— Ե՞նչ է աղօթքը, ում պիտի դիմէք աղօթքով, ում՞ց պիտի օգնութիւն խնդրէք, ում պիտի աղաչէք, ում պիտի փառաբանէք: Նա, ում որ պիտի դիմէք, Անոնունչ է. աչք չունի, որ ձեզ տեսնի, ականջ չունի, որ ձեզ լսի, ձեռք չունի, որ ձեզ օգնի: Դուք ձեր յոցը ձեզ վրայ պիտի դնէք, դուք ինքներդ պիտի օգնէք միմեանց:

Այսպէս ահա Բուդիայի Աստւածը մեռած է բոլորովին. նրա կրօնը նոյնպէս մեռած է, նրանում չկայ ոչ կեանք, ոչ ապրելու համար մի իդէալ:

Բուդիայի ներւանան այն Ոչինչն է, որից Մովսէսի Եհովան առաջ է բերում ամբողջ տիեզերքը, բացի այր մարդուց, որին հողից է ստեղծում, և կին մարդուց, որին այր մարդուցն է առաջ բերում: Մովսէսի կեանքի իդէալը եղեմական դրախտն էր, որ լիքն էր Տիրոջ բոլոր բարիքներով: Աղամն ու Եւան շատ երջանիկ էին այդ փափուկ դրախտի մէջ, բայց նրանք չիմացան իրանց երջանկութեան պատիւը, (և թիմանային, քանի որ չգիտէին

իրանց չարն ու բարին, քանի որ մի այլ վիճակի ծանօթ չէին) չպահեցին Եհովայի պատւէրը, կերան բարու և չարի գիտութեան ծառի պաղից և հասկացան թէ ինչ է մերկութիւնը, և ամաչեցին. իմացան որ պատւիրազանց են եղել և վախեցան Աստծուց: Բայց էլ ինչ կ'օգնէր. աւած էր, որ եթէ ոոյն պաղիցն ուտեն, պէտք է մեռնին: Բարկացաւ Եհովան և անիծեց մարդուն՝ ասելով «հող էիր առաջ, էլի հող դառնաս»: Խեղճ Ադամին ու Եւային դուրս արին դրախտից և նրա դուռը փակեցին յաւետենական փականքով. նա այլ ևս բաց չէր լինելու մարդկութեան համար:

Դրախտում փափուկ մեծացած Ադամն ու Եւան հարկադրւեցան ապրել իրանց երեսի քրտինքով: Ուրիշ ելք չկար. ապրելը մի բնական և ստիպողական պահանջ էր, իսկ առանց աշխատելու էլ անկարելի էր ապրել: Եւ եթէ մի այնպիսի երկիր չէին աքսորւած, ուր բնութիւնն առատութեամբ տալիս է ամեն ուտելիք տարւայ ամեն եղանակներում, ապա երևակայել պէտք է, թէ որքան դժւարութիւնով պիտի հայթայթէին իրանց ապրուսոր մարդ ու կին, երկուսն էլ մերկ, երկուսն էլ անպատապար և անգէնք:

Պիտի ասէք՝ շատ խիստ է այս պատիժը: Ես էլ կ'ասեմ որ խիստ է, ինկատ առնելով նրանց անփութութիւնը, անմեղութիւնը, հետեւանքի մասին մոտածելու կարողութիւն չունենալը, օձի խորաման-

կութիւնը և այնու Բայց եթէ նրանք այսչափ արդարանալու հանգամանքներ ունենալով հանդերձ, արտաքսւում են դրախտից՝ Աստծոյ հրամանը չկատարելու համար, որքմն առաւել արտաքսւելու արժանի են իրանց դրախտից այն մարդիկ, որոնք անխտիր ուտում են ամենայն պտուղ և չեն կատարում իրանց մարդասիրական պարտքը: Բնաւանարդարութիւն չէր լինիլ եթէ այդպիսիներին արտաքսէին դրախտից և հարկադրէին, որ երեսների քրտինքով ուտեին իրանց հացը, և ոչ թէ ուրիշի քրտինքով շաղախւած համեղ պատառներով պարարտացնէին իրանց մարմինը:

Այսպէս ահա Մովսէսը մի դրախտ տւաւ միայն, այն էլ աւելի մահւան համար, քան թէ կինդանութեան և բարեկեցութեան: Նա չտւաւ մարդկութեանը ապրելու իդէալ:

Մահմէդը՝ օգուտ քաղելով Մովսէսի դրախտի և Քրիստոսի երկնքի արքայութեան գաղափարից՝ մի այնպիսի հէքիաթական աշխարհ ստեղծեց երկնքումը, որ արաբական բոլոր հէքիաթները գլուխ խոնարհեցրին նրա առջեւ և խոստովանեցին իրանց ոչնչութիւնը: Արաբացիք առհասարակ զուտ հոգեկան և վերացական ոչինչ չունին, նրանց երևակացութիւնը ամենայն ինչ մարմնացնում է: Այսպէս է վարւել և Մահմէդը, իբրև արաբացիք: Քրիստոսի հոգեոր, վսեմ և վերացական գաղափարը նա բոլորովին մարմնացրել է այնպիսի մանրամասնութիւննե-

րով, որ ամեն մի միւսլիմ կը փափագէր գոնէ մէկ անդամ աչքովը տեսնել, իսկ այս աշխարհիս վրաց գոնէ նրա սուերն ունենալ:

Ես անվայել եմ համարում այս սուրբ տաճարի մէջ նկարագրել, թէ ինչ խառնակ երեակայութեան ծնունդ է այդ հակայական հարէմը, որով Մահմէդը սրբազնութել է դրախտի և երկնացին արքայութեան անունը: Այս է Մահմէդի տւած կեանքի և ապրելու իդէալը:

Ամենայն մի ծայրացեղութիւն կորցնում է մարդկային բնութեան հաւասարակշուութիւնը և նրան անդունդ զլորում: Բնաւ ապացու ցի կարօտ չէ, որ ապրելու այդ եղանակը մի բաղեղ է, որ փաթաթւելով հասարակ ժողովրդի կեանքի ծառին, պիտի ծծէ նրա հիւթը, ինքը պարարտանայ և նրան կմախք դարձնէ, մինչև այլ ևս անունդ չստանալով՝ չորանայ և վայր թափւի ծառի ոսքերի տակ: Այս է մուսլիմութեան թշւառ ապագան: Նա պիտի ընկէր նրա ոտների տակ, ում արիւնը որ ծծել է այնպէս անխնայ:

Այժմ գառնանք մեր կրօնին, և տեսնենք սահնակիսի իդէալ է տւել մեզ ապրելու համար: Բայց այսուղ թոյլ տւէք ինձ մի միջանկեալ նկատողութիւն անել: Ամեն մարդ ամենայն ազտատամլութեամբ և աթէիստական ուղղութեամբ դատաքննում ու դատափետում է այս և այն կրօնի ստութիւնը և մոլորութիւնը. բայց երբ բանը իւր կրօնին է

հասնում, նրան համարում է միակ անսխալ: Աշկարա բան է, որ նա կեղծում է. բայց կեղծելու պատճառն ինչ է: Պատճառն ապրելու պոն է, որ այսուեղ էլ է դեր խաղում: Օտար կրօնի պախարակողը և իր կրօնի գովարանողը կը վայելէ իր կրօնակիցների յարգանքը, պատիւը, կը համարէ ուղղահաւատու, ազգասէր և հայրենասէր. իսկ եթէ իր կրօնին գիպէի, չէ որ նա կը համարէ հերետիկոս, կրօնազրուժ, դաւաճան եկեղեցու, ազգի և հայրենիքի: Ո՞ր խելացի մարդը կուղենայ, որ այդ մե տիտղոսները իր ձակատի վրաց զրոշմէին: Արդ՝ չկեղծելու համար, եթէ խնդիրը վերաբերէր մեր ազգային եկեղեցուն, ես կը հետեւ այն առածին, որ ասում է «Կամ լաւ, կամ ոչինչ». բայց քանի որ մեր խօսքը Աւետարանի վարդապետութեան մասին է, այսուեղ ես ամենայն հաւատով և սրբութեամբ կարող եմ վկացիլ և ապացուցանել, որ քրիստոնէական կրօնը բոլոր կրօններից այնքան բարձր է, որքան երկինքը գետնքից: Քրիստոնէական կրօնի բուն հեղինակը, որ է Յիսուս, ահա թէ ինչպիսի իդէալ տւաւ մեզ մեր կենցաղավարութեան համար: Նա ասաց, «Ո աշխարհիս վրաց պէտք չէ որ մոլութիւններ տեղի ունենան. բայց որովհետեւ ոչինչ չի լինում առանց պատճառի, ասկա ուրեմն պէտք է վերացնել այն բոլոր պատճառները, որոնք մոլութիւն և թշւառութիւն են առաջ բերում: Բոլոր մոլութիւններ առաջ բերող միակ պատճառը մեր եսականութիւնն է, մեր

ինքնասիրութիւնը։ Ապա ուրեմն բոլոր մոլութիւնները կը վերանան միայն այն ժամանակ, երբ մեր ապրելու եղանակը ոչ թէ հսկան կը լինի կամ ինքնասիրական, այլ երբ նա կը լինի համայնասիրական, մարդասիրական, այլասիրական։ Եթէ ամեն ոք միայն իր անձի համար աշխատէ, նա պիտի թշնամական գիրք բռնէ գէպի ամենքը, սկսած իր ընկերից, եղբօրից, հարեանից մինչև աւելի հեռուն, մինչև ամբողջ մարդկութիւնը։ իսկ, դրա հակառակը, եթէ ամեն ոք աշխատէ ամենքի համար, նա դրանով բարեկամական գիրք կը բռնէ գէպի ամենքը։ Առաջին գիրքից առաջ կը զան կախներ, խոռովութիւններ, խարէութիւն, խարդախութիւն, հարստահարութիւն, աւագակութիւն, բռնութիւն և առհասարակ այն բոլոր չարիքները, որոնք գոյութիւննեն առել աշխարհիս երեսին։ իսկ երկրորդ գիրքից առաջ կը զայ՝ սէր, միութիւն, եղբայրութիւն, միխօսք՝ մարդկավայել կեանք և երջանկութիւն։ Այսպէս Աւետարանի մէջ ցրւած գոյնզգոյն անդին քարերից երբ մի մողացիկ ենք կազմում ըստ մեր ներկայ հասկացողութեան, կարողանում ենք կարդալ հետեւելը։ Ոչ մի անհատ մի ուրիշ անհատից կախումն չպիտի ունենաց, այլ ամենքն էլ պիտի համարեն համայնքի հարազատ որդիքը։ Մարդկը մարդու դէմ՝ գոյութեան կոիւ չպիտի մզէ, այլ ամենքը միացեալ ուժով, իրանց բանականութեամբ ձեռքբերած զէնքերով ու գործիներով պիտի կոիւ մզեն

բնութեան դէմ, պիտի յափշտակեն բնութիւնից ամենայն ինչ, որ պէտք է իրանց կեցութիւնը շարունակ բարեգելու համար։ Մարդկը պէտք է կատարեալ լինի, որպէս իր Սուեղնողը։ Նրա պէս ստեղծող և հնարող պիտի լինի։ Ոչ ոք քանքարաթաքոյց չպէտք է լինի, ամեն ոք իր ունեցած բնական ձիրքերը պիտի գործ զնէ յօդուա ընդհանրութեան։

Աշկարա չէ արդեօք, որ ոչ մի կրօն մարդու բարեկեցութեան եղանակը այսչափ արդար և խելացի հիմքերի վրայ չի դրած։ Պարզ չէ արդեօք, որ քրիստոնէական կրօնը մարդկացին երջանկութեան միակ արդար և ճշմարիտ ուղեցուցն է։ Երբ Քրիստոսին մեղադրեցին փարիսեցիք, թէ նա շաբաթը սուրբ չի պահում, նա պատասխանեց, թէ «շաբաթն է մարդու համար և ոչ մարդը շաբաթի»։ Այս ասել չէ միթէ որ կրօնը մարդու համար է և ոչ մարդը կրօնի։ Իոլոր կրօնների մէջ միայն քրիստոնէականնեն, որ այսչափ մարդասէր է, որ մարդու համար է և նրա փրկութեանն է ծառայում։

Ժողովուրդները այս ու այն կրօնի կենսական մասին են նշանակութիւն տալիս, և հէնց որ տեսնում են, թէ իրանց կրօնը այլ ևս չի ծառայում իրանց բարեկեցութեանը, անցնում են զէպի այն կրօնը, որ նրանց աւելի բարեկեցիկ վիճակ է խռոտանում։ Իինում են անհասներ, որոնք իրանց կրօնի համար նահատակութիւն են յանձն առնում, բայց հազարաւորները փոխում են իրանց կրօնը թէ կա-

մովին և թէ նեղն ընկած ժամանակ։ Քրիստոս ասում էր, «կէք ինձ մօտ, ով վաստակածներ և բեռնաւորներ, ևս ձեզ կը հանգստացնեմ»։ Եւ դալիս էին Քրիստոսի մօտ ամենքը, որոնք դժգոհ էին իրանց վիճակից—հարստահարւածները, թշւառացածները, գերիները և սորուկները։ Նա էլ կերակրում էր ամենքին այնպէս, որ սեղանի վրայ գեռ շատ ուտելիք էր մնում։ Իսկ քրիստոնէութեան թարմ օրերում, երբ հաւատացեալների կեցութիւնը համայնական կազմակերպութիւն էր ստացել, ամենքն էլ գոհ էին իրանց բարեկեցութիւնից։

Հիմա շատ բնական է, որ ինձ հարցնէք, թէ ո՞ւր մնաց ապա քրիստոնեաների այդ համայնական բարեկեցութիւնը։ Խնչպէս է պատահել որ Քրիստոսից մօտ երկու հազար տարի անցնելուց յետոյ դեռ չեն իրագործւել Նրա պատէրները։ Այն հսականութիւնը, որին նա հակառակ էր, այսօր աւելի էլ զարհուրելի մեծութեան է հասել և վիշտապի պէս կուլ է տալիս ամենքին։

Յամենայն դեպս, չիրագործւելու պատճառը ոչ Քրիստոսն է—և ոչ Նրա Աւետարանը, կը պատասխանեմ ես։ Բաւական է, որ մենք այսօր էլ զգում ենք, որ Աւետարանի ասածը զուտ ճշմարտութիւն է։ Անդրանիկ Քրիստոնեաների գլխով շատ փոթորիկներ անց կացան, համարեա ամենքն էլ նահատակւեցին իրանց քարոզած ճշմարտութեան համար, և աշխարհն աղատեցին հեթանոսական խաւարից, բայց

388-29/3

նրանց յետնորդները և յետնորդների էլ յետնորդները Աւետարանի ոգին ըմբռնելու չափ հասկացողութիւն, խելք ունեցան։ Դուք հիմա չէք հաւատալ, որ ասեմ կրօնի քարոզիչների միակ և գլխաւոր ջանքը եղաւ հաւատացեալների գլխից հանել նրանց խելքն ու առողջ դատողութիւնը՝ իբրև չար ոգութելադրութիւն, և զարգացնել նրանց հաւատալու միտումը միայն։ Զօրացնելով ժողովրդի հաւատը, կորցնել էին տալիս նրա խելքը։ Որքան անմիտ լինէր մէկը, այնքան նա առաքինի կը համարւէր, որովհետեւ ասւած էր, մինչեւ երեխսի պէս միամիտ չլինիք, արքայութիւն չէք կարող ժառանգել։ Եթէ խելք նկատւէր մէկի մէջ, նա կը համարւէր չար ոգի ունեցող։ Այս ուղղութեամբ էին կրթում վանական հայրերը իրանց սաներին, ինչպէս այդ գտնում ենք նրանց վարքերում, որտեղից աւելորդ չեմ համարւմ մի օրինակ բերել։

— Արդեակ, ասում է սուրբ հայրը իր աշակերտին։ — Եթէ քեզ լաւ և վատ հագուստ առաջարկեն, դու լաւը չընտրես, այլ վատն ընտրիր։ Եթէ երկու տեսակ ուտելիք առաջարկեն՝ լաւ և վատ, դու լաւը չընտրես այլ վատն ընտրիր։ Առհասարակ աշխարհումն ինչ որ լաւ է երկում, թող չգրաւէ քեզ, դու նոյն իսկ վատերի մէջ ամենավատն ընտրիր քեզ համար։

— Հայր, հարցնում է աշակերտը, եթէ այդպէս վարւիս, մի՛թէ յիմարութիւն չի լինիլ իմ կողմից։



— Ի հարկէ, որդեակ, յիմարութիւն կը լինի, և պէտք է յիմարութիւն էլ լինի, որովհետեւ ինչ որ յիմարութիւն է թւում մարդկանց, այն է իմաստութիւն համարում Աստւած:

Աշակերտը չէր կարող չհաւատալ սուրբ հօրասածին և այնպէս չվարւել: Նա ոչ միայն հաւատում էր, այլ և չափազանց ուրախանում էր, որ մի նոր իմաստութիւն սովորեց աշխարհքը լուսաւորելու համար: Ի՞նչ մեծ շնորհք է՝ բանն այնպէս գիտենալ, ինչպէս նա կայ, այցագէս հօ ամեն երեխաց էլ գիտէ. շնորհքն այն է, որ բանն, այնպէս զիտենաս, ինչպէս նա չկայ: Ո՞վ չգիտէ, որ լաւը լաւ է և վատը վատ, գեղեցիկը գեղեցիկ է և տգեղը տգեղ բանն այն է, որ գիտենաս թէ գեղեցիկը տգեղ է և վատը՝ լաւ: Կրթութիւնը նրա համար չէր տրւում, որ մարդիկ իրանց լաւ չգիտցածը աւելի լաւ գիտենային, այլ որ բոլորովին հակառակը զիտենային. ինչ որ սուտ էր թւում, ճշմարիտ համարէին և ինչ որ ճշմարիտ—սուտ: Մարդիկ այնպէս չպիտի վարւէին, ինչպէս իրանց խելքն էր թելադրում, այլ բոլորովին նրա հակառակը: Մարդկութիւնն այս ուղղութեամբն առաջ գնաց բաւական երկար ժամանակ և ամեն մի յաջորդ սերունդ նախորդին գերազանցեց իր անխելքութիւնով: Մարդու մտաւոր զարդացումն սկսեց յետ ու յետ շարժւել հսկացական քայլերով: Այս յետաշարժութեան մէջ ևս քրիստոնեայ Եւրոպան միւս երկրների առջևն էր գնում:

Անխելքութեան կողմից նրանց հետ համեմատւելով՝ մենք շատ աղքատ էինք, հարկադրւած էինք փոխառնել նրանց տղիտութիւնը, ինչպէս այժմ փոխենք առնում նրանց գիտութիւնը:

Բայց գլխաւորն այն չէ, թէ մարդիկ որպիսի վիճակի մէջ էին մտաւորապէս, այլ թէ ինչպէս էին տնտեսապէս, արդեօք գոհն էին իրանց կեցութիւնից, թէ դժգոհ. չէ որ այդ հանգամանքն է միայն, որ մարդկանց այս ու այն կողմն է մղում: Հաւատի այս բարձրագոյն շրջանում մարդիկ դժգոհ չէին իրանց կեցութիւնից, որովհետեւ ինչքան վատ լինէր նրանց կեցութիւնը այս կեանքում, այնքան լաւ պիտի լինէր միւս կեանքում: Հաւատացեալների աւղրուստի մէջ խոշոր տարբերութիւն չկար: Հարուստը, որ կարող էր շատ ճոխ ապրել, ապրում էր շատ աղքատ, որովհետեւ մեղք էր համարում լաւ ապրելը. աղքատն էլ ուզէր չուզէր՝ պէտք է վատ ապրէր. լաւ ապրելու համար գայթակղւելու առիթ չունէր, ամենքի ապրելն էլ համարեա միատեսակ էր: Կրօնաւորները, որոնք ապրում էին համայնական, միաբանական կեանքով, կարող էին, եթէ ուզենային, շատ լաւ ապրել, բայց ամենից վատ և ամենից խիստ նրանք էին ապրում: Նրանք էին պահպանում աղքատանոցները, անկելանոցները, հիւրանոցները, և ծառաների պաշտօնն իրանք էին կատարում: Կեանքի այս սակաւապետութիւնը, չքաւոր կեցութիւնը առաջ էր բերել մի տեսակ խաղաղութիւն, անշար-

ժութիւն, ոչ ոք միւս օրւայ համար հոգս չեր քաշում։ Այժմ սրա վրայ աւելացրէք և այն հաւատը, որով աշխարհքը շուտով պիտի վերջանար. էլ ով կը մտածէր ձեռք զարկել այնպիսի բանի, որի արդիւնքը վայելելու համար պիտի տարիներով սպասէր։ Հարկաւոր էր արթուն լինել միշտ և միայն միւս կեանքի մասին մտածել։

Քրիստոնեայ աշխարհը այս վիճակի մէջ էր, երբ Հարաւից արաբական և Արևելքից թաթարական արշաւանքներն սկսեցին։ Հաւատացեալ Եւրոպան քառասուն հազար անմեղ մանուկներից մի բանակ կազմեց և նրանով ուզեց ազատել Քրիստոսի գերեզմանը անօրէնների ձեռքից. իսկ հայ քրիստոնեաները թաթարների դէմն առնելու համար՝ երկաթէ խաչերով զինաւորեցին իրանց զորքերը, այսինքն՝ փոխանակ զինուորներին սուր ու նիզակ տալու՝ նրանց ձեռքը տւին մէկ մէկ երկաթէ խաչ։ Ինչ ասել պէտք է որ թշնամին էլ հէնց այդ կուզէր։ Պարսից մի թագաւոր Եգիպտացոց դէմ արշաւելիս՝ առաջապահ զինուորների ձեռքը մի մի կատու է տալիս, գիտենալով, որ Եգիպտացիք կատւի վրայ նետչեն արձակիլ, քանի որ նրանց կրօնը խատիւ արգելում էր այդ։ Եւ նա չխալւեց։ Եգիպտացիք այդ բանը տեսնելով՝ յետ փախան զարհութելով։ Մերոնք փոխանակ օգուտ քաղելու թշնամու թոյլ կողմից, իրանց թոյլ կողմն էին թշնամու առջեր դնում, որովհետև պիտի խելքի հակառակ վարւէին։ Մահ-

մէղականութեան մէջ ևս չկար խելք, այլ միայն հաւատը, բայց բոլորովին հակամարդասիրական և սաստիկ մոլեռանդացնող Մահմէդը իր կրօնի, մէջ մոցրել էր ոչ միայն մի չափազանց գայթակղեցուցիչ դրախտ, այլ և նախասահմանութիւն, որ կրօնի գլխաւոր մասն էր։ Նախասահմանութիւնը մարդու ճակատագիրն էր, որ ծնւելու օրից գրոշմնում էր նրա ճակատին։ Մարդը մի կամագուրկ և կոյր գործիք էր իր ճակատագրի ձեռին. ինչ որ անէր, ինչ որ դառնար, այնպէս էլ պիտի լինէր։ Ի հարկէ ինչպէս ամեն մի սնահաւատութիւն, նոյնպէս և ճակատագիրը զուրկ է արամաբանութիւնից. բայց սա է մահմէդականի մոլեռանդութեան գլխաւոր աղբեկը։ Զինուորներ, ասում էր զօրապետը, կոիւ սկսելուց առաջ. միտ բերէք, որ ձեր մեռնելու օրը գրւած է ամեն մէկիդ ճակատին։ Ով որ այսօր մեռնելու է, նա պիտի մեռնի, որտեղ էլ որ լինի, — տանը, դռանը, ծովումը, թէ ցամաքումը։ Խսկ եթէ այսօր չէ նրա մեռնելու օրը, նա չի մեռնիլ, թէկուզ կրակ թափեն գլխին։ Դուք արդէն գիտէք, թէ պատերազմի մէջ մեռնող միւսլեմին ինչ փառք, ինչ վայելչութիւն է սպասում միւս կեանքում։ Քանի՛ կեանք կը տար մարդ՝ եօթանասուն հիւրիներից միայն մէկին արժանանալու համար. բայց ձեզ եօթանասունը միասին է տրւում։ Ձեզ տրւում է հարիւր մարդու ուժ, յաւիտենական թարմութիւն և երիտասարդութիւն, անկշտում ախորժակ, որ ինչքան

էլ վայելէք դրախտի անմահական բարիքը, միշտ էլ ցանկանաք վայելել, և ձեր վերջին պատառը նոյնաքան համեղ լինի, ինչքան և առաջինը:

Այս մոլեռանդ արհախումների դէմ ինչ կարող էր անել քրիստոնեան իր հաւատովը, որով սուրբոնելը մեղք էր համարում. նա միայն կարող էր նահատակւել, որ այն կեանքումը մարտիրոսական պսակին արժանանայ: Եւ նահատակւում էին խմբերով ու բանակներով: Մահմէդականի հաւատի մէջ սուրբ կար, իսկ քրիստոնեայի հաւատի մէջ պատրաստի պարանոյ: ևսուր քո և պարանոյ մերս, ասում էին քրիստոնեաները և ամենայն քաջութեամբ... նահատակւում: Վերջապէս մահմէդականութիւնը սանձարձակ առաջ վազեց, տիրեց Հայաստանին ու հոչակաւոր Բիւզանդիոնին, և խաչի տեղ տնկեց իր կիսալուսինը, որ մի կողմից մաշւում և միւս կողմից նորոգւում է շարունակ:

«Ով որ ականջովը չլսի, թիկունքովը կը լսի» ասում է առածը: Անօրէնների սուրն ու մորակը քրիստոնեաներին քիչ քիչ խելքի բերին:

Զարմանալի չէր արդեօք, որ վայրենի թաժարն աւելի խելք ունենար, քան թէ որքան և իցէ քաղաքակրթւած հայր: Պատճառը՝ ինչպէս տեսանք, սխալ հասկացած կրօնն էր: Այս երեսոյթի մէջ անբնական ոչինչ չկար: Հաւատը պիտի լրացնէր իր զարգացման շրջանը՝ հասնելով իր ամենաբարձր գաղաթնակէտին, որտեղից բնականաբար կամաց կա-

մաց պիտի վայր իջնէր, տեղի տալով մարդու խելքի զարգացմանը, թէւ ոչ առանց ինքնապաշտպանութեան և կռւի:

— Յարգելի եղբայրներ և քոյրեր, թոյլ տւէք ինձ այսուեղ մէկ միջանկեալ նկատողութիւն անել. — բացատրել, թէ ինչ կը նշանակէ պատմական զարգացում: Զարգանալ՝ կը նշանակէ աճել, մեծանալ: Նորածին երեխան օրէցօր և տարեցտարի աճում մեծանում է, և իր հասակի այլ և այլ շրջաններում նորանոր յատկութիւններ է երեցնում, առաջ միայն կենդանական ուժ, յետոյ հաւատ և ապա առողջ մոտածութիւն և դատողութիւն: Երեխան երբ լրացնում էիր հասունութեան շրջանը, նա բոլորովին նման է լինում իր ծնողներին, իր հարազատ արենակիցներին, թէ Փիզիկապէս և թէ հոգեպէս: Այստեղ մենք տեսնում ենք աշկարա, որ ամեն մարդ ժառանգում է իր ծնողների մարմնական և հոգեկան յատկութիւնները՝ լաւ և վատ կողմերով: Բայց ամեն ոք իր ծնողներից ժառանգապէս ստացած յատկութիւնները նոյնութեամբ չի տալիս իր զաւակներին, այլ փոփոխած, պակասեցրած և աւելացրած: Ամեն ոք աշխատում է ոչնչացնել իր մէջ այն յատկութիւնը, որ տգեղ է թւում իրան, որ անվայել է համարւում բանական արարածին, և զարգացնում է իր մէջ այն յատկութիւնը, որ գեղեցիկ է թւում, որ օգտակար և վայելուչ է համարում: Ամեն ոք իր ժառանգաբար ստացած յատկութիւնները իր հաս-

կացողութեան ու կարողութեան չափով բարեկըրթում է և այնպէս տալիս իր ժառանգներին։ Այս է պատճառը, որ թոռները և թոռների էլ թոռները աւելի են լինում բարեփոխւած, քան թէ իրանց պապերի պապերը։ Այստեղից մենք գալիս ենք այն եզրակացութեան, որ ինչպէս կայ ժառագականութեան բարեկըրթութեամբ զարգացում։ Եթէ այս զարգացումը չլինէր, մարդիկ անհուն գարերի ընթացքում ոչ մի փոփոխութեան չէին ենթարկւիլ, այլ նոյն կը լինէին, ինչ որ եղել են սկզբումը իրանց նախնական վիճակի մէջ։ Բայց թնչն է, որ աճում, զարգանում և փոփոխուում է։ Ոչնչից ոչինչ չի ածիլ, պէտք է մի բան լինի, և այն էլ աճեցական բան, որ աճի երեսում է որ այդ յատկութիւններն ևս ունին իրանց նիւթական սաղմերը, որոնք կարող են և չաճել, եթէ աճելութիւնը խանգարող առիթներ լինին, և ընդհակառակ՝ կարգէ դուրս աճելութեան և զարգացման հասնել, որով և դուրս գան՝ մէկն ապուշ և միւսը հանճար։ Սռաջինի մէջ ընդարմացած լինելով բոլոր դարերից ստացած ժառանգական յատկութիւնը, չի կարող նմանել ոչ իր ծնողներին և ոչ իր պապի պապերին, այլ ով գիտէ գուցէ միայն իր ցնի նախատիպին։ Երկրորդի մէջ էլ կարգէ դուրս աճելով ժառանգական յատկութիւններից մէկն ու մէկը կամ մի քանիսը, դարձեալ նման չի լինիլ։ Կամ ֆիզիկապէս և կամ մտաւորապէս՝ ոչ իր ծնող-

ներին և ոչ նրանց նախորդներին, այլ գուցէ միայն շատ հեռաւոր յետնորդներին։ Եթէ ապուշը օժտւած է միայն շատ հեռաւոր նախորդի աղքատ յատկութիւններով, հանճարն էլ ուրեմն օժտւած պէտք է լինի շատ հեռաւոր ապագաց յետնորդի հարուստ յատկութիւնովր։ Այս հանճարաւոր մարդիկն են, որոնք հանդիսանում են իբրև ապագայի մարդիկ և մեզ առաջնորդում են դէպի ապագան։ Լուած բան չէ, որ մէկը լինի հանճարաւոր մարդ, և մարդկանց առաջնորդէ դէպի անցեալը, դէպի նախնական վայրենութիւնը։ Հանճարը մարդկանց մտաւոր զարգացման ձանապարհը հարթողն է և նրանց առաջնորդողը դէպի ապագան։ Այս բանը գիտէ նոյն իսկ հասարակ ժողովուրդը, և միշտ՝ նեղն ընկած ժամանակ՝ սաստիկ փափագում է, որ լոյս ընկնի մի հանճարաւոր հերոս և իրան ազատէ նոյն նեղ վիճակից։ Հաւատի ամենաթունդ ժամանակ՝ մարդկութեան բախտից մի քանի հանճարներ լոյս ընկան իրար ետևից, և դրանք գարերով կանգնած և անշարժ երկրագունդը շարժման մէջ ձգեցին, նորանոր աշխարհներ գտան և սկսեցին բացատրել բնութեան և կեանքի երեսըթները։ Եթէ մարդկութիւնը կարգէ դուրս ընդունակ զաւակներ ծնելու յատկութիւն չունենար, նրա յառաջադիմութիւնը շատ գանդադքայլերով առաջ կերթար։ Բայց չնորհիւ հանճարների՝ մարդկութեան յառաջադիմութիւնը սաստիկ արագանում է։ Ներկայ ժամանակումն մէկ օրւաց

Հաստարւածը անցեալում տասնեակ դարերում չէ կատարւած։ Եւ ինչպէս կարելի է, որ մարդու մանկութիւնը հաւասարւի նրա երիտասարդութեանը։ Հաւատի դարերում մարդկութիւնը մտաւորապէս մի պատանի էր, իսկ գիտութեան դարում մի առոյգ և առողջամիտ երիտասարդ։ Աւելի հասուն հասակի մէջ կը հասունանայ նրա մէջ և Բարեխոհութիւնն ու Արդարասիրութիւնը, որ այժմ շատ նւազ է։

— Յարգելի եղբայրներ և քոյրեր, գծւարը գէպի առաջ, դեպի ասլազան նայելն է։ ով կիմանայ, թէ ասլազան ինչ ունի թաքցրած իր մէջ։ իսկ յետ նաև լը շատ է հեշտ։ Կեանքի մէջ առաջ ենք գնում մեզ անձանօթ մի ճանապարհով, իմանում ենք, թէ ինչ տեղերով անց կացանք, բայց չենք կարող գուշակել, թէ էլի ինչպիսի տեղերով պիտի անցնենք և որպիսի արկածների և փորձանքների պիտի հանդիպենք։ Մենք հիմա կարող ենք գիտենալ, թէ մօտաւոր անցեալում որպիսի սխալներ է արել մարդկութիւնը, կամ ինչ պատճառից է առաջ եկել նրա այս կամ այն սխալը։

Երեւակացեցէք ձեզ մի ահագին լեռնաշղթայ, որ իր մէջ թաքցրած ունենայ շատ պատւական գանձեր, բայց այդ շղթան ունենայ և անթափանցելի անտառներ, անդնդանման ձորեր, անմատչելի գաղաթներ, չարաթոյն վիշապներ և ամեհի գաղաներ։ Մարդը կարող է արդեօք ձեռք բերել այնտեղից այն պատւական գանձը, մինչև զինւած և զրա-

հաւորւած չլինի հանճարի հնարած զէնքերով և գործիներով։ Մարդկութիւնն ուզեց առանց խելքի օգնութեան, այլ միայն հաւատով՝ հասնել կրօնի ցոյց տըւած իդէալին, շահւիլ՝ նրա պատւական գանձից։ բայց նա ոչ միայն չմօտեցաւ իր նպատակին, այլ ընկաւ կրօնի անյատակ և մութ ձորերը և գարերով մնաց խաւարի և թշւառութեան մէջ։ Այս այնքան բնական էր, որքան բնական էր այն, որ տգէտը գիտուն և ցիմարն իմաստուն լինել չէին կարող։ Ամեն մարդ միւնոյն Աստղծուն իրան է նմանեցնում, և դուրս է գալիս, որ մարդը չէ, որ Աստղծոյ նման է, այլ Աստւած է մարդու նման, և այն էլ անխտիր, լինի այդ մարդը մի տխմար, թէ մի իմաստուն։ Կրօնն էլ այնպէս է հասկանում իւրաքանչիւր ոք, ինչպիսի հասկացողութիւն որ ինքն ունենում է։ Այս է պատճառը, որ մի և նոյն Աւետարանից խելազարութեան հասած հրէշաւոր աղանդներ են ծնունդ առնում և մի և նոյն ժամանակ իրանց բարեկարգութիւնով ու ներքին իմաստովը վսեմ և սքանչելի եկեղեցիներ։

Մենք հիմա միայն, դարեր անցնելուց յետոց, գիտութեան զարգանալուց յետոց, հասկանում ենք, որ կրօնը՝ իբրև մի հոգեբանական երեսը, իբրև երեւակացութեան և հաւատի արդիւնք, հետազօտելի և ուսումնասիրելի առարկաց է և ոչ թէ հետազօտող և ուսումնասիրող։ Ուսումնասիրող առարկան գիտութիւնն է, որ խելքի, փորձառութեան և

հանձարի արդիւնք է, և ոչ հաւատի: Գիտութիւնն է ուսումնասիրում կրօնի էռոթիւնը, նրա ծագումը, զարգացումը, ներգործութիւնը, նրա դրական և բացասական կողմերը, կատարած լաւ և վատ գերը, ներկայ վիճակը և ցոյց է տալիս, թէ ինչով է նա շահաւետ կամ վնաս մարդկութեանը: Գիտութիւնը Աւետարանի համայնասիրութիւնը համարում է շատ արդար, բայց գոտում է որ դրան կարելի է հասնել միայն գիտական զարգացումով:

Այսօր մարդու միտքը զարգանում է հսկայական քայլերով և որքան շատ է առաջ գնում, այնքան աւելի է յետ թողնում իրանից կրօնը իր բոլոր հաւատալիքներով: Ինչպէս մի ժամանակ հաւատոն էր տիրում խելքի վրայ և նրան դուրս մղում, այսօր էլ խելքն է տիրում հաւատի վրայ և նրան դուրս մղում: Ինչպէս առաջ մարդիկ իրանց փրկութիւնը կրօնի մէջ էին որոնում, այսօր էլ գիտութեան մէջ են որոնում: Այսօր այլ ևս կրօնի ետևից վագող չկայ հոգու փրկութեան համար. և եթէ կան, այդ միայն մարմնի համար է, բարեկեցութեան համար է, և ոչ երբէք հոգու փրկութեան:

Մեր ազգի առածն ասում է գայլի գլխին Աւետարան կարդացին, ասեց՝ շնուր արա, ոչխարը սարովն անցաւ: Այս առածն աւելի լաւ է բնորոշում, թէ մարդն այսօր ինչպէս է նայում իր կրօնի վրայ: Չգիտեմ ինչ գրքում եմ կարդացել միսիոնարական կեանքից մի պատմութիւն, որ շատ նման է մեր

աղդային առածին: Մի միսիոնար գնում է Աֆրիկէի վայրենիներին քարոզելու: Երևի առաջին անգամը չի լինում, որ նրանք սիպտակ քարոզչի երես են տեսնում: իսկոյն հաւաքւում են մօտը և առաջին հարցմունքը լինում է այն՝ թէ՝ նա հաց բերէլ է արդեօք իրանց ուտեցնելու համար: Միսիոնարը ինչ պաշար որ ունենում է, տալիս է նրանց. նրանք էլ մի կողմից ուտում և միւս կողմից լսում են նրա քարոզը: Այս միջնոցին՝ որտեղից որտեղ՝ մի որս է անցնում նրանց մօտերիցը: Ամենքն էլ վեր են թըռչում, վագում որսի ետևիցը, բացի մի երկուսից, որոնք շարունակում են լսել: Երբ որ քարոզը վերջանում է, այդ մնացողներն ասում են միսիոնարին: «Ինչ որ ասացիր, շատ լաւ ասացիր, մենք ընդունում ենք. բայց որովհետեւ քեզ մօտ մնալով մենք զրկեցինք մեր բաժին որսից, դրա փոխարէն դու պէտք է վճարես մեզ կամ հացով և կամ դրամով»:

— Յարդելի եղբայրներ և քոյրեր, իմ այսօրւաց բնաբանից դուրս է քննել կրօնի նշանակութիւնը, (այս մասին ես խօսելու եմ մի ուրիշ անգամ), այլ միայն կամենում եմ ցոյց տալ, թէ մարդ ամենայն ինչ որ անում է, լաւ թէ վատ, ապրելու համար է անում: Առաջ կրօններն էին առաջնորդում մարդուն գէպի բարեկեցութիւն, այսօր այդ գերը գիտութիւնն է կատարում: Կրօնական դասակարգը ամենից լաւ է առել նոր տեսակ ապրելու համը և նա, մնալով իր հին դիրքի և իշխանութեան մէջ,

այդ իշխանութիւնը գործադրում է իր մարմնական և աշխարհացին պէտքերին, իր բարեկեցութեանը՝ Այսօր այդ դասակարգը իր գոյութիւնը պահպանելու համար՝ հետզհետէ աշխարհականանում, գիտնականանում է իր շահի, իր օգտի համար։ Գիտութեան նոր վերածնւած ժամանակ այսպէս հաշտ չէր նրանետ, այլ սաստիկ թշնամի։ Կրօնական դասակարգը որբան կարողացաւ, հալածեց և՝ գիտութիւնը, և գիտնականներին, բայց վերջ ի վերջոց խոստովանեց, որ մարդու հանճարն ևս Աստւած է տւել, որ նակարողանաց իր կեանքն ապահովել աշխարհիս երեսին։ Եւ այս կողմանէ առաջին օրինակն ինքն է տալիս, չարաշար պաշտպանելով իր դասակարգացին շահերը։

Մարդու հաւատալը չի գալիս, որ միևնոյն ազգի մէջ այս ու այն դասակարգը կարող է իր օգուտը վեր դասել լնդհանուր ազգի օգուտից։ բայց այս բանն աշկարա է, և մենք ամեն օր տեսնում ենք մեր աշքովը։ Շատ վրդովեցուցիչ բան է մանաւանդ, երբ այդ դասակարգից վատերը աստւածային, կրօնական և հոգեւոր կոչում են կրում իրանց վրայ։ Սա է, որ յեղաշրջում է Աստուծոյ խօսքը և նրան, փոխանակ կեանքի աղբիւր շինելու, թշւառութեան ու մահւան աղբիւր է շինում, շարունակ հարստահարելով ժողովրդի հաւատը։ Այս հանգամանքը շօշափելի կացուցանելու համար, մենք դեռ պիտի իմանանք, թէ որտեղ է թաքկացած ժողովրդի թշւառութեան և երջանկութեան աղբիւրը։

Երեակայեցէք ձեզ մի համայնք, որ իր գիւղամիջումն ունի մեծ ծառ։ Այդ ծառը ոչ ոքի սեփականութիւնը չէ, այլ ամբողջ համայնքին է պատկանում։ Ամեն մի ծերունի լիշում է, որ ինքը դեռ մի մանուկ էր, որ այդ ծառը գոյութիւն ունէր նոյն հսկայական մեծութիւնովը, նոյն բազմամիւղ ստերովը և նոյն լայնատարած ստերովը։ Նրանովանու տակ հաւաքւում են ծերունիները և համայնքի առօրեաց և ընդհանուր հոգսերի մասին են խորհում։ Հաւաքւում են երիտասարդները և իրանց կատարած թարմ սխրագործութիւններն են պատմում միմեանց։ Հաւաքւում են մանուկները, և իրանց մանկական խաղերն են խաղում։ Լուսաբացին սարեակներն ու ծիծեռնակներն են ճաւողում նրա սաղարթախիտ ճղներիվրայց, իսկ գիշերները սոխակն է իշնում և սկսում իր սքանչելի գալացիկը։

Արգեօք Բնէ կը լինի այդ դարաւոր ծառը նոյն հասարակութեան համար, որքան սիրելի և պաշտելի։ Ում ձեսք կը գորէ որ և իցէ վէրք հասցնել նրա կեղեին։ Ոչ ոքի։ Նա սուրբ է և անձեռնմխելի։ Երբ հեռաւոր գիւղերից օտար մարդիկ են գալիս և ամառայ շոքին նստում նոյն ծառի հովանու տակ, նրանք աւելի են սքանչանում և երանի են տալիս նոյն համայնքին, որ այսպիսի մի հսկայական ծառ ունին իրանց հովանաւորող։ Կը գայ ժամանակ, որ այդ ծառը կը լինի, բայց նրա հովանաւորութիւնը ոչ ոքի մոքից չի ընկնիլ. մարդը մարդուն կասէ. Փինձ.

քո հովանաւորութեան տակն առ»։ «փուշը որ փուշ
է, կ'ասէ, ճնճղուկին հովանաւորում է»։ Այս հովա-
նաւորութիւնը կը շարունակւի սերնդէ սերունդ։

Ոչ թէ այս ծառի չափ, այլ շատ աւելի սի-
րելի է ամեն մէկի համար իր ծննդարանը, նրա
խոր-խոր ձորերովը, մութ անտառներովը, ծաղկա-
շատ լիսներովը, ականակիտ ու վճիտ աղբիւրներովն
ու վտակներովը։ Ապա իր ուխտատեղիքը, որ այցե-
լում է ամեն տարի և միշտ էլ անհամբեր սպասում
է, թէ երբ կը գայ տօնի օրը, որ տեսակցի իր հե-
ռաբնակ բարեկամների հետ և ուրախ ու զւարթ-
ժամանակ անց կացնէ։ Ապա իր եկեղեցին, ուր նա
մկրտւել է։ Ապա իր սիրելիների շիրիմները, որոնց
հետ թաղւած է իր սրտից մէկ մէկ կտոր։ Ո՛չ, մարդը
սիրտ ունի, հոգի ունի, նա մի բիւրեղացած խելք
չէ, և ոչ էլ ճարպապատ, անարիւն և անզգայ մի
մարմին, մի մարդակերպ խոզ։

Յողնենք մարդու այս բանաստեղծական կողմը
և դառնանք նրա նիւթական կողմին։ Բայց որ չկար-
ծէք, թէ մարդու հոգեկան աշխարհն ուրիշ օրէնքի
տակ է գտնւում և մարմնականն ուրիշ, պէտք է յի-
շեցնեմ ձեզ, որ տիեզերքի մէջ ջոկ ջոկ օրէնքներ
չկան։ Միւնոյն օրէնքն է տիրողը թէ հոգու և թէ
մարմնի վրայ։ Ամարդը սիրում է ինքն իրան և այն
ամենը, ինչ որ իրանն է համարում։ Այս է ահա
օրէնքը։ Ցիշեալ ծառը եթէ մի մասնաւոր անձի սե-
փականութիւն լինէր, նախ և առաջ նա չէր դառ-

նալ ընդհանուրի համար ժողովատեղ և զբօսարան։
Տէրը թոյլ չէր տալ։ Իսկ եթէ նա տնկած լինէր մի
ուրիշ տեղ, տիրոջ աչքիցը հեռու, ով ասես իր
կացնի ուժը նրա վրայ կը փորձէր, նրան կը կեղե-
ւէին և կը չորացնէին։ Մարդն իր ծննդարանն է
սիրում, և ոչ ուրիշինը։ իր սիրելիների վրայ է ող-
քում այնպէս աղեկտուր և յուսահատ, և ոչ ուրիշի։
Մարդն իր եկեղեցին է սիրում, և ոչ մի օտար հա-
ւատի աղօթարան, որ մի յաջող գէպքում պատ-
րաստ է նաև քանդելու։ Նատ բաներ կան որ մարդ
պէտք է իրանը համարէր և սիրէր ու պաշտպանէր,
բայց որ չի անում, այդ կախւած է նրա ճանաչո-
ղութեան աստիճանից։ Նա այդ բաներն էլ կը սիրէ
և կը պաշտպանէ, երբ որ կը համոզւի որ իրանն է։
Նա հասկանում է, որ ուրիշին օգնելը մի բարոյա-
կան պարտք է, բայց չի հասկանում։ որ այդ բա-
րոյական պարտքը կատարելուց մարդիկ նիւթապէս
կը շահւին։ Փանի որ այդ շահը նրա համար տեսա-
նելի չէ, նա չի էլ օգնում։

Սրա համար մի օրինակ բերենք նիւթական
աշխարհից։ Մի գիւղի մէջ ամենըն էլ ունին իրանց
ջոկ ջոկ հողաբաժինը, արտը, այգին և արօտատեղը։
Կայ և մի այլ արօտատեղ, աւելի մեծ, որ մասնա-
ւորի սեփականութիւն չէ, այլ պատկանում է ամ-
բողջ համայնքին։ Եւ ահա հարեան գիւղից մի
քուրդ, իր հօտն առաջն արած, հրացանն ուսին,
իր հովիւներով և բարդ ու բարխանայով անցնում

է այդ տեղով գէպի իր լեռները։ Նա հանդիպում է մասնաւոր արօտատեղին և, առանց այլ և այլութեան, իր հօտն անում է նրա մէջը, որ մի լաւ կշտացնէ։ Արօտատէրը տեսնում է այդ բանը, հարաց է տալիս. ոչ ոք չի գնում նրան օդնելու, ինքն էլ մենակ վախում է գնալ։ Ո՞վ է գժւել իր անցաւ գլուխը ցաւի մէջ գցել. ինչու համար, քանի որ իրան մի վնաս չի հասնում։ Տէրը մնում է անճարացած, իսկ քուրդը վայելում է ուրիշի սեփականութիւնը։ Նոյն քուրդից յետոյ գալիս է մի ուրիշ քուրդ, աւելի բազմաթիւ հօտերով և հովիւներով, աւելի անեղ զինաւորւած, բացի հրացանից ունի նաև վահան ու նիզակ և մէկ մէկ կէռ թուր էլ կողքերից քաշ արած։ Սրանք իրանց հօտերն անում են համայնքի արօտատեղը։ Յանկարծ գիւղի ամեն անկիւնից հարաց հրոց է բարձրանում և մի ակնթարթի մէջ ամբողջ գիւղը տեղիցը գծլած՝ վազում է պաշտպանելու իր սեփականութիւնը։ Ասել պէտք է արդեօք, թէ ինչ մե օր կը մթնեցնէին քրդի գլխին։ Եռու հօ չէ ասած, թէ համայնքը որ հաւաքւի, գերան կը կոտրի։ Կիսաշունչ եղած քուրդը խոստովանում է, որ ինքը սխալել է, չի իմացել, որ արօտատեղը ամբողջ համայնքին է պատկանում։

Այս դէպից պարզապէս երեսում է, որ մի անհատ, թոյլ և անզօր լինելով իր առանձին սեփականութիւնը պաշտպանելում, շատ զօրեղ կարող է լինել ընդհանուր սեփականութիւն պաշտպանելում։

որովհետեւ այստեղ նա մենակ չէ, այլ ընդհանուրի հետ, որից կազմում է մի հաւաքական խոշոր ուժ։ Քայց աւելի հետաքրքրական է քրդի խոստովանութիւնը, թէ նա չի իմացել, որ արօտատեղը ամբողջ հասարակութեան է պատկանում։ Այս Բնէ է նշանակում։ Ուրիմն մասնաւոր մարդունը կարելի՛ է ուսեցնել։ Այս, և այդ բանը ոչ ոքի զարմանքը չի յարուցանիլ, դա մի ընդունեած և սովորական բան է։ Քըրդի ասածի մէջ ուժի կշռելու խնդիր կայ։ Նա խոստովանում է միայն իր հաշւի սխալը, և ոչ թէ գործողութեան։ Երբ աւագակը մտադրւում է յարձակում գործել, նա պարտաւոր է նախ և առաջ իր ուժը կշռել հակառակորդի ուժի հետ։ Այլ է հինգ մարդու և տասը մարդու հետ գործ ունեալ կրկնապատիկ ուժով, և այլ, երբ քո ուժը հինգ է, իսկ հակառակորդինդ մի քանի հարիւր։ Ով ասես, նրան կը մեղադրէ, նրան կը յանդիմանէ, ասելով՝ դու քանի զլուխ ունէիր, որ մի ամբողջ հասարակութիւն քո դէմ բարձրացրիր։ Այսպէս է օրէնքը։ յարձակողը միշտ պիտի աշխատի իրանից թոյլի վրայ յարձակւել, եթէ ոչ՝ առակի ազւաւի նման ոչխարի բրդումը կը խճըճւի։ Թոյլը շարունակ յարձակման ենթակաց է, ամեն ոք իր ուժը թոյլի վրայ է փորձում, ով ասես՝ նրա գլխին է խփում։ Նոյն իսկ գիւղի տանուտէրը և նրա գզիրը զօրեղներից հեռու են փախչում և իրանց ուժերը թոյլերի վրայ են գործ գնում։ Ամեն տեղ զրկւողը թոյլ

լերն են լինում: Ասած է. «ցախը ցաւագար տեղին կը դիպչի: Կամ թէ գողը եկաւ, վայ մէկի տէր, գայլը եկաւ, վայ մէկի տէր»: Եւ ճշմարիտ, գողութիւն, բռնաբարութիւն, հարստահարութիւն և ամենայն տեսակ զրկանք թոյլի վրայ է թափւում:

Այդ դէպքի նման հազարաւոր դէպքեր կարելի է բերել ապացուցանելու համար, որ ընդհանուրի ուժը մէկ տեղ հաւաքողը ընդհանուրի շահն է, իսկ ընդհանուրի շահը ընդհանուր սեփականութեան մէջ է գտնւում: Մէկ ուրիշ օրինակ էլ բերեմ, որ ընդհանուր սեփականութեան օգուտն աւելի պարզւի:

Միւնոյն գաւառում, միւնոյն ճանապարհի վրայ բնակչութեան միւնոյն թւով, միւնոյն կիմայական և վարչական պայմանների տակ գտնւում էին երեք գիւղ: Առաջին գիւղում փորձառու և բանիմաց մարդիկ կային, ունէին և մի խելքը գլխին և ժիր քահանայ: Սրանք յորդորեցին ժողովրդին և համախօսական վճռով վճռեցին, որ ունենան մի կարգին ուստմարան երկու սեռի համար և մի գեղատուն: Աւեմն ուսուցիչ, ուսուցուհի, բժիշկ, բժշկի օգնական և մանկաբարձուհի: Բայց գիւղն աղքատ էր, մրանդից պէտք է վճարէին դրանց ծախքը: Առաջ պէտք էր եկամուտի մասին հոգալ: Եկամուտ ձեռք բերելու համար վճռեցին, որ ամենայն ինչ որ պէտք է հասարակութեանը, բայց հնարաւոր չէ որ ամենքն էլ ունենան, այդ տեսակ բաները լինեն հասարակութեան սեփականութիւն: Եւ ինչ անբաժան բան որ

ունի հասարակութիւնը նրանց եկամուտն էլ որոշվի գործ դնել հասարակաց կրթութեան և առողջութեան վրայ: Այս տեսակ բաները երբ սկսեցին ցուցակագրել, ստացան հետեւեալ առարկաները. երեք ջրաղաց, որ յետոյ միացնելով շինեցին մի մեծը և մօտն էլ մի մեծ այգի. մի բաւական մեծ անտառ, մի արօտատեղ, մի ձկնորսարան, մի շտեմարան, մի կշեռք կամ ինչպէս ասում են՝ զանթար, մի արաղի գործարան, թէկ մասնաւոր մարդու անունով, մի քանի խանութ և մի քանի վարձու տալու տներ և եկեղեցու տարեկան եկամուտը: Այս ընդհանուր սեփականութիւնից այնքան եկամուտ գոյացաւ որ ոչ միայն մոտաղրւած ուսումնարանն ու գեղատունը հիմնեցին օրինաւոր սարք ու կարգով, այլ գիւղի արբեկան հարկն էլ վճարեցին և շինական դատարանի ծախքն էլ հոգացին:

Կրթւած ուսուցչի ու բժշկի ներս գալը գիւղին մի նոր զարկ տւաւ իր ընդհանուր սեփականութիւնը ձոխացնելու: Գիւղը նորանոր հողեր գնեց շրակաց բէգերից. նոր աւու հանեց ու ջրարրի դարձրեց շատ անջրդի տեղեր, մօտ եօթը վերաստ հեռաւորութիւնից մի սառնորակ և վարար աղբիւր բերաւ գիւղամէջ, ուր մի ջրամբար շինելով՝ բաժանեց զանազան թաղերի վրայ: Այս ջրից օգուտ քաղելով, ամենքն էլ իրանց տների առջև մի մի պարտէղ տնկեցին և դեղը վերափոխեցին մի հոտաւէտ բուրաստանի: Գիւղի այս բոլոր բարեվոխու-

թիւնը մի տասը տարւայ մէջ կատարւեց. նախընթաց տասնեակ տարիներում նա մի ընդարմացած և անշարժ վիճակի մէջ էր: Յտար մարդը ներս մտնելիս հիանում էր, տեսնելով մաքուր, ուղիղ և լայն փողոցներ, բոլորն էլ խիճած, ափերը սալայատակ, երկու կողմից ծառեր տնկուտած, տները շէնք ու շնորհքով, փառաւոր եկեղեցի, հոյակապ ուսումնարան, գեղեցիկ գեղատուն, կարգին շինական դատարան, օրինաւոր շտեմարան: Տեսնողն այն տպաւորութիւնն էր ստանում, որ այս գիւղացիք հասարակ ասիացի սամիկներ չեն, այլ եւրոպական քաղաքակրթութեան ճաշակն առած խելքը գլխին մարդիկ: Տասը տարուց յետոյ քան տարեկանների մէջ ոչ մէկը չկար որ անգրագետ լինէր: Շուտով զգացին փոստատուն և հեռագրատուն ունենալու պահանջը, որովհետև հիմա ամենքն էլ նամակ էին դրում, լրագիր էին ստանում: Տեղական վարչութիւնը՝ գաւառապետ և նահանգապետ՝ այնքան հաւանեցին այս գիւղացիներին, որ բոլոր գիւղերում յորդորում էին նրանց օրինակին հետեւել: Սրանց խնդիրն անկատար չէր կարելի թողնել. տւին և փոստատուն և հեռագրատուն, պրիստաւին էլ տեղափոխեցին այնտեղ: Գիւղն արդէն առաջուց հոգացել էր որ բոլոր պաշտօնատները և պաշտօնեաները մասնաւոր տներ չփարձեն, այլ գիւղի սեփական աներում բնակին ու վարձը գիւղին վճարեն: Հարկ չկայ ասելու որ այս գիւղումը աչքի ընկնող աղքատներ

և չքաւորներ չկային, կարօտեալները միշտ օգնութիւն էին ստանում հասարակական դրամարկղից՝ մը իրեւ օգնութիւն, մը անտոկոս, և որը թեթե տոկոսով, նայած նրանց չքաւորութեան աստիճանին: Խակ անգործ մնալն արգելած էր. ամեն ոք պէտք է իր գործին երթար, իր հողի մշակութիւնովը պարապէր:

Հասարակութեան առաջարիմութեան ճանապարհը հարթաւած էր. նա առաջ էր գնում առանց խոչ ու խութի հանդիպելու: Երբ մի ճանապարհ այնպէս հարթաւած լինի, որ ոչ զար ու փոս ունենայ, ոչ ցեխ, ոչ զառիվեր ու զառիվայր, այնտեղ մի ձիով էլ կարելի է շատ գործ տեսնել. էլ գոմէշներ լծելու հարկ չի լինիլ: Համայնքի բարոյական և նիւթական առաջադիմութիւնը նրա ուղիղ մատծելուցն է կախւած: Աւածն ասում է «Եթէ մեղու ունենամ, մեղը Մեղրիից կը գայ»: Հասարակութիւնն սկսեց ոչ միայն մեղու ունենալ և մեղւաբուծութիւն, այլև շերամապահութիւն, կաթնատնտեսութիւն, գինեգործութիւն և առհասարակ օրինաւոր հողագործութիւն և գիւղական տնտեսութիւն, բոլորն էլ ընկերական և խմբական ուժերով, որոնց մասնակցում էր ամբողջ գիւղը: Մասնաւոր գրամատէրն ացդ տեղ նւաճումներ անելու ասպարէզ չունէր:

Պրիստաւի գալուց յետոյ այդտեղ տեղափոխեց և հաշտարար դատարանը: Գիւղը նրան էլ տւաւ հարկաւոր շինութիւնները: Վրանից երկու տարի

անցնելուց յետոյ՝ գիւղը կատարեց ուսումնարանի քսանամեակի տօնախմբութիւնը փառաւոր խնճոյքով, ուր հրաւիրած էին և քաղաքից ու հեռաւոր գիւղերից պատւաւոր հիւրեր։ Այդտեղ ճառախօսութիւններ շատ եղան մէկը միւսից ազդու։ Հաշտարար դատաւորն իր ճառի մէջ ասաց. «Ահա երկու տարի է, որ ես տեղափոխւել եմ այստեղ. այս գիւղի ոչ մի անդամից ոչ մի գանգատ չի մտել իմ դադարանը։ Այս ի՞նչ է նշանակում, մտածում էի ես. գուցէ սրանք խօսք մէկ են արել, որ ինձ չդիմեն, գուցէ պրիստաւին են դիմում կամ շինական դատարանին և նրանցով էլ վերջ են տալիս իրանց վէճերին։ Ակսեցի հարց ու փորձ անել, տեսայ որ այդպէս բան չկայ, Զեզ յայտնի է, որ ներկայից միշտ ծերունիներն են լինում դժոն, միշտ նրանք են դանդատում, որ անցեալլ լաւ էր, քան թէ ներկան։ Բայց տեսէք ի՞նչ ասաց ինձ մի ծերունի։ — Պարոն, ասաց, ներեցէք համարձակութեանս, ձեր հետաքրքրութեանը բաւականութիւն տալու համար ես պէտք է ասեմ, որ այժմ մեր գիւղումը Աստուծոյ ողորմութեամբ ունեսն կ'եփւի։ Մեր ոչ մի խոշոր վէճի առիթ չունինք, իսկ մանր վէճերն ու թիւրիմացութիւնները մենք ինքներս ենք վերջացնում մեր մէջ։ Մեր գիւղը հիմա, փառք Աստուծոյ, շատ լաւ է, կէսին էլ չենք արժանի։ Հիմայ մեր քահանան ամբողջ ժողովրդին մի անդամից է թողութիւն տալիս հաղորդելու ժամանակ, գիւտէ, որ

ոչ ոք առանձին և ծածուկ բան չունի. այդպէտ ներ եթէ լինին, իր հետ կը տեսնեին առանձին Աստուծոյ ողորմութիւնն ու հովանաւորութիւնը այժմ մեր տեղի վրայ է»։

Աչքի ընկաւ մանաւանդ տանուտէրի վիճակագրութիւնը քսան տարւայ ընթացքում, թէ որպիսի աճելութիւն է եղել, որպիսի փոփոխութիւն և որպիսի զարգացում տնտեսական այս և այն ճիւղի մէջ։ Այս վիճակագրութիւնից երեաց, որ այստեղ բարեկեցիկ ապրելու կատարեալ գիտակցութիւն կայ. մարդիկը գիտակցաբար են ապրում և առաջ գնում և ոչ կուրօքն։ Ի միջի այլոց նա ցոյց տւաւ, որ գիւղը քսան տարի առաջ միջին թւով ունեցել է իւրաքանչիւր տասը հոգու համար մէկ տուն, իսկ այժմ իւրաքանչիւր երեք հոգուն մի տուն է ընկնում։ Առաջ ունեցել է 150 տուն և 1500 հոգի, իսկ այժմ՝ որդին պսակւեց թէ չէ՝ պէտք է բաժանւի հօրից և իր գլխի հոգսն ինքը քաշէ, սկզբ բնական օգնութիւն ստանալով հօրից։ Առաջ մի տան մէջ եղած քսան հոգուց հազիւ տասն էին աշխատում, կամ տասը հոգով հազիւ երկու մարդու գործ էին կատարում, իսկ այժմ անգործ ձեռք չկայ, ամենքն էլ զբաղւած են։ Առաջւան ապրուստը նահասկետական և բռնապետական էր, իսկ այժմ անհատական, ընկերական և համայնական։ Այժմ եղբայրը եղբօր ընկերն է, միասին աշխատում են, ջոկ ջոկ ապրում, ամեն մէկն իր ճաշակի համեմատ

և ինքնագլուխ։ Այժմ մեր տների մէջ չկայ այլ ևս պատրոնութիւն և սկեսրութիւն, չկայ տագրակն-կութիւն, որ շարունակ կոփւ էր առաջ բերում։ այլ ևս չկայ չխօսկանութիւն, բերանկապութիւն։ Մեր օրիորդաց ուսումնարանը կին սեռի բերանը բաց արաւ, նրա լեզուն ճարտարացրեց, նրան շինեց իր ամուսնու մտերիմ խորհրդակիցը և ընկերուհին։ Նոր գինին հին տկի մէջ չէր կարող կենալ. մեր հին տկերը բոլորն էլ պատռւեցին. այժմ մենք մեր գի-նիքը երկաթակապ տակառների մէջ ենք պահում, իսկ տակառագործութիւնն էլ՝ հիւսնութեան հետ մեր ուսումնարանն է սովորեցնում իր արհեստական բաժնում։

Տանուտէրի այս ճառը ծափահարութեան ահա-գին դղրդոց բարձրացրեց Հիւրերից մէկը, որ դեր-մանացի անասնաբոյժ էր, մնացել էր հիացած և երեակայում էր, թէ նոյն բուպէին Սսիացի խորքե-րումը չի գտնւում այլ ჩեռլինի բուն կենարոնումը։ Ձեր Հայերը ծացրայեղ ընդունակ ենա շշնջաց նա գիւղի հայ բժշկի ականջումըն էլ չեմ ուզում երկա-րացնել՝ ինքներդ մտեք միւս մանրամասնութիւն-ների մէջ և լրացրէք իմ պակաս թողածը։

— Յարգելի եղբայրներ և քոյրեր, այսաւեղ ակա-մայ պատկերանում է իմ առջեւ կեանքի աճելու-թեան և զարգացման ներդաշնակութեան օրէնքը։ Այն, կայ և ներդաշնակութեան օրէնք։ Ամեն մի կազմակերպութեան մի մասից կարելի է գուշակել և

միւս մասերի որպիսութիւնը, ի հարկէ մօտաւո-րապէս, քանի որ չկայ օրէնք առանց բացառու-թեան, այսինքն ընդհանուր կանոնից շեղմունքներ պատահում են—և ասւում են անկանոնութիւն։ Այս ներդաշնակութեան օրէնքի ճիշտ պատկերը մենք տեսնում ենք ուզտի կազմակերպութեան մէջ։ Առաջ կայ թէ Ռւզտին ասացին, վիզլդ ինչի՞ է ծուռ, տսեց. ինչս է ուզիղ, որ վիզս ուզիղ լինի։ Ռւզտի կազմակերպութեան բոլոր մասերի մէջ կատարեալ ներդաշնակութիւն կայ, որովհետև ոչ մէին էլ ուզիղ չէ։ Այս, ի հարկէ, մի տգեղ և վայրենի ներդաշնա-կութիւն է, բայց ներդաշնակութիւն է։ Եթէ մի գիւղ էք մտնում և տեսնում էք ձախ ու ծուռ և անկանոն փողոցներ, իմացած եղէք, որ դա ուզտի վիզն է միայն, և եթէ հարցնէք, թէ ձեր փողոցներն ինչու ևն այսպէս ձախ ու ծուռ, նրանք ձեզ կը պա-տասխանեն, թէ «Օքնւած», մեր ինչն է ուզիղ, որ փողոցներս ուզիղ լինի. խեղճ մարդիկ ենք, մի կերպ եօլա ենք զնում։ Ահա այսպիսի գիւղեր էին միւս երկու գիւղերը, որոնք առաջին գիւղի հետ մի զծի վրայ էին գտնւում։ Դրանցից մէկը մասնաւոր սեփականութիւն ունէր, բայց ոչ ընդհա-նուր, իսկ միւսը՝ ոչ մասնաւոր ունէր և ոչ ընդհա-նուր։ Բոլոր հողերը պատկանում էին զանազան բէ-գերի, իսկ իրանք գիւղացիք ենթարկւած էին բէ-գերի քմահաճոյքին և մի տեսակ ստրկական վիճակի մէջ էին։ Ոչ մի բան չկար ոչ մէկում և ոչ մէ-

սում, որ ասէիր՝ ահա այս մէկ բանը լաւ է: Եկեղեցին գոմանման և խարխուլ, քահանան՝ տղէտ, դատաւորներն ու տանուտէրը՝ հարբեցող և կաշառակեր, գրագիրը՝ մի սրիկաց և շատ փուշ-կենդանից, վաշխառութիւնը՝ ծայրայեղ անխրզմութեան հասած, որին ու ազրին, խեղճն ու տնանկը, ազքատն ու թոյլը հողի հետ հաւասարացրած. ամենայն տեղ ծայրայեղ սորկութիւն և բունութիւն: Գողութիւնը սովորական դարձած, աւազակութիւնը հերոսութիւն համարւած: Եւ ինչ նորանոր չարիքներ ասես, որ չէին հնարում մարդիկ միմեանց տուն քանդելու համար: Խոտի ու ցորենի դէղեր կրակ տալ, այգիներ կարատել, եղան ու գոմէշը ոտքեր սրատել, կովի ծիծ կարել, և ինչեր, ինչեր ասես, որ այստեղ չէր կատարւում մինը միւսից չար:

Առաջին գիւղի և այս գիւղերի օրինակից պարզ երևում է, որ ժողովրդի բարոյական վիճակը նրա տնտեսական վիճակից կախումն ունի, իսկ տնտեսական բարեկեցութիւնը՝ նրա համայնական սեփականութիւնից: Մի հասարակութեան մէջ որքան շատ ու բազմատեսակ լինին ընդհանուրին պատկանող սեփականութիւններն ու հաստատութիւնները, նոյն շափով բարձր կը լինի նրա բարօրութեան աստիճանը և նոյն շափով սակաւ չարիք կը գործւի նրա մէջ: Կարձ ասել՝ համայնքի բարեկեցութեան և երջանկութեան ազբիւրը նրա ընդհանուր սեփականութիւնից կարող է բղխել:

Պիտի ասէք՝ եթէ այդպէս է, ապա ուրեմն մասնաւոր սեփականութիւն որ բնաւ չլինի, այլ միայն ընդհանուր, այն ժամանակ չարութիւնն իսպառ կը վերանաց աշխարհցս և միայն բարին կը թագաւորէ:—Այն, բայց երբ կը լինի այդ և ինչպէս: Մանուկը շատ է ցանկանում, որ բեխեր ունենայ, բայց նա զեռ պիտի մեծանաց, հասունանաց, այնուհեամ ոչ միայն բեխեր կունենաց այլ և մօրուք, և այդ մօրուքն էլ կը սկսի սպիտակել, որ շատ էլ չի գուր գալ իրան: Մեր բարեկեցութիւնն էլ գեռ ևս մանուկ հասակի մէջ լինելով, պիտի աստիճանաբար զարդանաց, առանց թսիչքներ գործելու: Ի հարկէ, գուրս կը գան աւելի զօրեղ հանձարներ, որոնք թւուելու հնարն ևս կը գանեն, բայց առ այժմ միայն արագացնել կարող են համայնքների ձգտումը դէպի այդ երջանիկ ապագան, դէպի Աւետարանի նախագծած բարեկեցութիւնը:

—Յարգելի եղբայրներ և քոյրեր, զարգացման արագանալը մեր ինքնամանաշութեան արագանալն է: Որքան լաւ ճանաչենք մենք մեզ և մեր ունեցածը, այնքան կը բարձրանաց մեր զարգացումը: Միթէ մենք չունենք բնական և ընդհանուր սեփականութիւններ, որոնցից կարող կը լինէինք ահագին օգուտ քաղել: Ահա այս սուրբ տաճարը, ուր հաւաքւած էք գուք ամենքդ, թէ մեծ և թէ փոքր, թէ տէր և թէ ծառայ, թէ այր և թէ կին,— ինչ է այս, եթէ ոչ այնպիսի հաստատութիւն, մի

այնպիսի սեփականութիւն, որ ըստ ամենայնի Աւետարանի արքայութեանն է նման, որովհետեւ այստեղ ամենքս էլ հաւասար ենք, և ամենքս էլ եղբայրք Այն հողը, որի վրայ շինւած է եկեղեցին, մի վտքրիկ կտորն է այն երկրի, որ ասւում է հայրենիք, և նոյնպէս մեր ամենիս սեփականութիւնն է: Այն լեզուն, որով մենք այսօր խօսում ենք միմեանց հետ, մեր ընդհանուրիս սեփականութիւնն է: Ահա ձեզ երեք մե՛ծ, ահաւոր և զօրաւոր ընդհանուր սեփականութիւն, որոնցից կարող ենք և ահազին օգուտքարել, եթէ լաւ վերահաս լինիք դրանց էութեանը և որակութեանը:

Մասնաւոր սեփականութեան համար մենք կառող ենք իրար դէմ կուել, մինչեւ կը գայ Արդարութիւնը և մեզ կը հաշանցնէ. բայց ընդհանուր սեփականութեան պահպանելը, խնամելը, զօրացնելը ընդհանուրիս օգուտն է: Սրանից չեն փախչիլ ոչ հարուստը և ոչ աղքատը, ոչ մեծը և ոչ փոքրը: Ով կուզենաց իր նախնեաց ժառանգական յատկութիւններից զուրկ մի ապուշ լինել, չունենալ ոչ կրօն, ոչ լեզու և ոչ ծննդարան: Կրօնից ծնունդ է առնում եկեղեցին, որ ունենում է իր համայնական հաստատութիւնները, — դպրանոց, հիւանդանոց, աղքատանոց և զանազան բարեգործական և կրթական հաստատութիւններ: Եեզւից ծնունդ է առնում գիրն ու գրականութիւնը, որ նոյնպէս դառնում է ընդհանուրի սեփականութիւն: Ծնունդ են առնում պար-

բերական հրատարակութիւններ, որոնք ծառայում են հասարակութեան և ազգի ընդհանուր շահերին, առաջնորդում են դէպի լաւը, դէպի կատարեալը: Արդ՝ ելք է մենք գիտակցաբար վերաբերենք դէպի մեր կրօնն ու եկուն, կարելի՞ բան է, որ մեր եկեղեցին պայծառ չլինի, չունենաց արդիւնաբեր հաստատութիւններ, չունենաց իրանց պաշտօնին յարմարաւոր սպասաւորներ: Կարելի՞ բան է, որ գրականութիւնը խեղճութիւն քաշէ, գրողի կեցութիւնն ապահոված չլինի: Ամեն ոք, ինչ որ անում է, ապրելու համար է անում, թէկուզ ուրիշին ապրեցնելու համար լինի անելիս: Երբ գրողն իր գրչից ապրուստ չի գտնում, նա մի այլ պաշտօնի է գիտում: Լաւ վարձատրութիւնը լաւ մշակների թիւը կը շատացնէ, իսկ անվարձ մշակութիւնից վատ մշակներն էլ կը փախչեն: Ոչ մի ասպարէզ կեանքի մեջ այնքան փշոտ չէ, որքան գրական տապարէզը գրական կոչում ունեցողի համար: Այդ ասպարէզում կուզը կոււում է իր նեարդերովը, իր ուղեղովը, որի հետ կատակ անել չի լինում: Հարկաւոր է ինսամք, հոգատարութիւն, թարմութիւն, նոր ուժ՝ մտաւոր կոիւր շարունակելու համար:

Եկեղեցի, գպրոց, գրականութիւն, թատրոն և զանազան բարեգործական հաստատութիւններ՝ ընդհանուր սեփականութիւն լինելով՝ ընդհանուր էլ օժանդակութիւն են պահանջում: Ընդհանուր օժանդակութիւն պահանջող հաստատութիւնները պէտք

է նիւթական արդիւնք բերող ընդհանուր էլ հաստատութիւններ ունենան:

Լեզւից և կրօնից յետոց դալիս է ծննդարանը որ ընդհանուր հայրենիքի մի կտորն է: Այստեղ է երեւում ահա ամեն մի ազգի առանձնայատկութիւնը, նրա մտաւոր և բարոյական զարգացման աստիճանը: Որովհետեւ ծննդարանը կարող է լինել ոչ թէ մի ազգի և մի կրօնի ընդհանուր սեփականութիւն, այլ շատ ազգերի և շատ կրօնների, այս պատճառով ծննդարանի բովանդակութիւնը սիրելու համար ազգասիրութիւնը մենակ բաւական չէ, հարկաւոր է որ մարդ մի քանի աստիճան աւելի վեր բարձրանայ բարոյապէս և մտաւորապէս և դառնայ ոչ միայն ազգասէր, այլ և մարդասէր և այլասէր:

Ինքնասէրն ուրիշին չի սիրում, այլ ատում է, նա ուղում է, որ ամենքն էլ իրան սիրեն, իսկ ինքը՝ ոչ ոքի: Նա միայն իրաւունք է ուղում ունենալ, իսկ պարտաւորութիւն՝ և ոչ մի: Ազգասէրն էլ սիրում է միայն իր ազգին, իսկ միւս ազգերին ոչ միայն չի սիրում, այլ և ատում է և հալածում: Ազգասէրը չի ուղում, որ ուրիշ ազգերն էլ լինին ազգասէր, այլ պահանջում է, որ ուրիշները լինին մարդասէր, որ չատեն իրան, այլ սիրեն: Խօսքս մասնաւորացնելով՝ պէտք է ասեմ, որ մենք չենք սիրում Բիսմարկներին, որովհետեւ նրանցում չենք դտնում մարդասիրութիւն, որից կարող էինք ինքներս էլ շահւիլ, մինչդեռ նրանց ազգասիրութիւ-

նից միայն վնասւում ենք: Բայց Գլազոսոնին մենք սիրում ենք և անւանում ենք մե՛ծ մարդասէր, մոռանալով որ նա միեւնոյն ժամանակ և մե՛ծ ազգասէր է, որովհետեւ նրա պէս մարդիկն են իրանց ազգի անունն ու պատիւը մինչև երկինք բարձրացնում:

Յայտնի է, որ հրէաները շատ ազգասէր են, բայց ինձ յայտնի չէ, թէ նրանք որքան մարդասէր են: Եթէ դրանք միւս ազգերից միայն շահւում են, իսկ իրանք ոչ մի շահ չեն տալիս նրանց, ապա արժանի չեն ապրելու ոչ մի տեղ: Եթէ նրանց որդիքը կրթւում են բոլոր համալսարաններում, բայց այդ համալսարաններից ոչ մեկը մի նշանաւոր գոհաբերութիւն չի ստանում նրանց Ոռոշիլդներից, ապա արժան էր, որ այդ համալսարանների գոները փակւեին հրէաների առջև, որովհետեւ որբուն շատ գարգանան նրանք, այնքան շատ կը կողուղտեն միւս ազգերին: Եթէ դրանք այն քաղաքներում, ուր որ ապրում են և ահազին հարստութիւն դիզում, չեն հիմնում ընդհանուր բարեգործական հաստատութիւններ բոլոր քաղաքացոց համար անխոտիր, արժանի չեն դրանք այդ քաղաքներում բնակւելու: Իսկ եթէ կատարում են իրանց մարդասիրական ուսուականութիւնները, իբրև քաղաքացի, բայց գարձեալ հալածւում են, այդ ժամանակ մեղաւոր են միայն հալածողները և ամենայն գատապարտութեան արժանի:

Մարդասէր լինել՝ չի նշանակիլ սիրել նաև մարդատեացներին, բունաւորներին, կեղեքիներին, գիշատիներին և աւազակներին։ Այդպէս որ լինէր, Գլադատոնը թուրքերի մեծին չէր անւանիլ մե՛ծ մարդասպան։ Եթէ մի որ և է մարդկացին ցեղ վնասակար է հանդիսանում ընդհանուր խաղաղ մարդկութեանը իր գիշատիչ բնաւորութիւնովը կամ մի այլ վնասակար յատկութիւնովը, մարդասիրութիւնը պահանջում է, որ նա ջնջւի իբրև մի վնասակար տարր, իբրև մի ցեց և թունաւոր միջատ։ Բնութեան մէջ չկաց և ոչ մի միջատ որ թունդ ազգասէր չլինի։

Աշխարհիս երեսին ոչ մի ազգ չկաց, որ յոյն ազգի չափ ազգասէր լինի։ Յոյների ազգասիրութիւնը մոլեռանդութեան ամենաբարձր ծայրին է հասնում։ Յոյներ կան, որոնք ոչ կարգին ուտել ունին և ոչ խմել, որոնք իրանց զրկում են ամուսնութիւնից և աշխարհացին ամեն զւարծութիւնից, հոգւով մարմնով նւիրում են միայն մի բանի—հարսանալու, և հարստանում են հարստահարութեան բոլոր միջոցները ներելի համարելով, ու միլիօնի կարողութիւն դիզելով՝ բոլորը միասին նուիրում են իրանց ազգին։ Դրանց թէ կրօնականները և թէ աշխարհականները միապէս մոլեռանդ են և իրանց են համարում աշխարհիս երեսին միակ ընտրեալ ազգը։ Եւ ինչքան սիրում են իրանց ազգին, նոյն չափ ատում են միւս բոլոր ազգերին։ Բայց սրա

փոխարէն իրանք էլ վաստակում են բոլորի ատելութիւնը։ Ոչ մի ուրիշ ազգ, որքան էլ որ հալածւած լինի տաճկի ձեռքում, չի կարող տանել յոյնի իշխանութիւնը և նրան հպատակ մնալ։ Ահա թէ ինչ աստիճանի է հասցնում մի ազգի՝ նրա ազգասիրական մոլեռանդութիւնը։ Յոյնի այս յատկութիւնը ժառանգական յատկութիւն է, հնումն էլ այսպէս է եղել նա։ Ինքն ատել է բոլոր ազգերին, բոլոր ազգերն էլ ատել են իրան։

Հայ ազգի առանձնայատկութիւնը յունական յատկութեան հակապատկերն է։ Նա միշտ սիրել է բոլոր ազգերին, բոլոր ազգերն էլ սիրել են նրան, բացի ի հարկէ յոյներից։ Հայը օտարասէր, հիւրասէր և մարդասէր է եղել միշտ։

Մի ծննդարանում ապրող ազգերի մէջ այն ազգն է օգտակար, որ իր գոյութիւնովը ոչ միայն վնաս չի տալիս միւս ազգերին այլ և օգուտ։ Բայց այդ օգուտը պէտք է լինի մարդկացին և ոչ թէ ոչխարացին։ Տաճկաստանի հայը իր ոչխարացին բնաւորութիւնովը մի շատ օգտակար տարր է գիշատիչ ցեղերի համար։ Հայը բուրդի ու թուրքի ոչխարն է, որ թէ կթւում, թէ խուզւում և թէ մորթւում է, երբ ձայն է հանում քերթւելիս։ Նա իր գոյութիւնը պահպանել է այնտեղ միայն նրա համար, որ եղել է մի շատ օգտակար կենդանի, ինչպէս ոչխարը և ինչպէս մեղուն։ Նա երբէք կարող չէ ազատաւել այդ գրութիւնից, մինչև դրսից նի մարդասի-

րական օգնութիւն հասնի նրան։ Բայց այդ մարդասիրութեան օրինակը առաջ մենք ինքներս պիտի տանք։ Ինչ ազգ որ մարդասիրութիւն չունի, նա արժանի չէ մարդասիրական օգնութեան։

Մենք կովկասաբնակ հայերս, որ ամենայն առատութեամբ վայելում ենք տեղական մարդասիրական բարիքները, փոխանակ ինքներս էլ մարդասիրական օրինակ տալու, զլիներս ոգնու պէս ներս ենք քաշում։ Ովքե՞ր են կրթում Թիֆլիսի բոլոր ուսումնարաններում, բոլոր գիմնազիոններում։ Անշուշտ մեծ մասամբ Թիֆլիսի հարուստների որդիքը։ Բայց Քրիստոնութիւն լինի արած այդ ընդհանուր կրթական հաստատութիւններին։ Ի՞նչ վնաս կ'ունենար, եթէ հայ հարուստներից մէկը իր անունով մի ամբողջ գիմնազիոն հիմնէր, ուր կրթւէին բոլոր կովկասաբնակ պատանիները, առանց խտրութեան կրօնի և ազգութեան։ Ոչ միայն վնաս չէր լինիլ, այլ ահագին օգուտ և մեծ պատիւ մեր աղդին։ Մրցման մէջ մի ազգ միւսին կարող է յաղթել ոչ թէ ազգասիրութիւնով, այլ մարդասիրութիւնով։ Ազգասէրը կարող չէ մարդասէր լինել, բայց ձշմարիտ ազգասէր կարող է միայն մարդասէրը լինել։ Ահա քանի ժամանակ է, որ հայ հարուստները բարերար են հանդիսանում և հայ երիտասարդներ են ուղարկում գանազան համալսարաններ ուսանելու։ Ի՞նչ կը լինի, որ այդ ողորմութիւնից հասցնեի և

վրացի երիտասարդներին։ Եթէ հայ կրեսոսի մէկը տարեկան տասը ուսանող է պահում, թող զրանցից գոնէ երեքը լինին մեր վրացիներից մի ոռւս, մի վրացի և մի թուրք։ Դժւարը մէկի կողմից օրինակ տալն է, այդ օրինակին կը հետևեն և ուրիշները, և այնուհետև անխոտիր ամեն ազգից էլ կ'ուղարկեն բարձր կրթութիւն ստանալու։ Հայերը Հրատարակչական ընկերութիւն ունին, վրացիք էլ ունին։ Մենք տեսնում ենք, որ երկուսն էլ պէտք են, քանի որ տեղական ազգաբնակութեանն են ծառայում։ Ի՞նչ վնաս կ'ունենայ ուրեմն, որ հայ ընկերութեանն օգնող հայը օգնի և վրաց ընկերութեանը։ Լսում ենք որ մայրաքաղաքներում գանւած կովկասաբնակ ուսանողները իրարից հեռու են մնում ազգասիրաբար։ Դրանք իբրև մի հայրենիքի, մի ծննդարանի գաւակներ՝ ինչու պէտք է լսորշին իրարից, ինչու իրանց նիւթական պաշարը չպէտք է բաժանեն իրար մէջ եղբայրաբար։ Եթէ վրացի ուսանողները շատ են թունդ ազգասէր, թող հայ ուսանողները թունդ մարդասիրութեան օրինակ տան նրանց։

Թէ ինչ նշանակութիւն ունի և որքան օգտակար է ծննդարանում բնակւող բոլոր ազգերի և կրօնների շահերին ծառայել անխոտիր, դրա մի գեղեցիկ օրինակը տւաւ նուշի քաղաքում պ. Թամիրեանցը՝ իր հաշուով քաղաք բերելով մի վարար աղբիւր։ Ի՞նչ լեզու և ինչ կրօն ասես որ նրան չի արհնում։ Նոյն օրինութեանն անշուշտ պէտք է ար-

ժանանան և ժամհարեան եղբարք, որոնք մի խո-
շոր գումար նւիրեցին նոյն քաղաքում մի ընդհանուր
հիւանդանոց բանալու համար: Եթէ բոլորին ան-
խտիր ջուր տալը, բոլորին անխտիր առողջութիւն
տալը մեծ բարերարութիւն է և պարծանք է բե-
րում այն ազգին, որի անդամներն այդպիսի բարե-
րարութիւն են անում, որքան առաւել մեծ պատիւ
կը լինի մի ազգի համար, եթէ նրա մի քանի ան-
դամներն էլ միացեալ ուժով կամ ջոկ ջոկ կը յազե-
ցնեն բոլորի ուսման ծարաւն անխտիր, կ'օգնեն բոլորի
բարեկեցութեանն անխտիր, կ'աշխատեն որ իրանց
մայրենի քաղաքը թէ ներսից ևթէ դրսից ներկա-
յանայ իբրև մի կատարեալ դրախտ, որ վայելեն
ամենքն էլ անխտիր: Երկուսից մէկը—կամ պէտք է
լինի ընդհանուր սեփականութիւն, և կամ մասնա-
ւոր սեփականութեան ընդհանրացում: Մի ազգ միւս
ազգին կը գերազանցէ մասնաւոր սեփական ութեան
ընդհանրացումով, և սրանով կ'ապացուցանէ իր մար-
դասիրութիւնը և իր օգտակար ազգ լինելը, որով
և կը գրաւէ բոլոր ազգերի մէրն ու համակու-
թիւնը: Լուսաւորութիւնը՝ ինչ ձեռվ էլ որ լինի, խա-
ւարից լաւ է: Լուսաւորութիւնը ոչ մի ժողովրդի
ազգայնութեանը մազի չափ վեաս չի հասցնիլ, այլ
միայն ահազին օգուտ կը բերէ: Թող բացւին մեր
ժողովրդական դպրոցները, ինչ ձեռվ էլ որ լինի,
հարկաւոր է դրանց զարգացմանն օգնել կրկնապատիկ
օժանդակութեամբ: Խնդիրն այստեղ մեր լեզվին է

վերաբերում, որ ազգայնութեան մի յատկանիշն է:
Բայց միթէ լեզւի պահպանութիւնը տգետ և աղ-
քատ դասակարգի պարտականութիւնն է միայն, և
ոչ նաև հարուստի: Հարստի համար լեզուն հարստու-
թիւն ձեռք բերելու հնարներից մէկն է միայն. նա-
պէտք է համարում այն լեզուները սովորել, որոնցով
կարելի է հարստութիւն ձեռք բերել: Զարմանալի կը
լինի, որ հարստութեան ձգտում ունեցող աղքատը
նոյնպէս չգիտենայ այդ բանը: Աղքատը դռնէ դրուը
կ'ընկնի, ողորմութիւն կը հաւաքի, որ կարողանայ
իր որդուն տալ հարստանալու այդ հնարը: Այդ
ձգտումը ոչ մի ազգի մէջ այնպէս աչքի չի ընկ-
նում, ինչպէս հայի մէջ: Այրի մայրեր կան, որ
լացարարութիւն են անում և հացթուխութիւն,
բայց իրանց որդոյը տալիս են այնպիսի կրթու-
թիւն, որ նրանք նոյն խակ պոտիէսորութեան են
հասնում: Աղքատը շատ լաւ գիտէ, որ հարուստը
հարստանում է ուրիշների աղքատութեան և տգի-
տութեան հաշուփ. սրա համար էլ նա ամեն ջանք
գործ է զնում հարուստի սորուկ չմնալ: Բայց այս-
տեղ մի ինդիր կայ միայն, որ շատերի համար մութն
է: Բանն ինչ լեզով խօսելը չէ, այլ ինչպէս մտա-
ծելն է: Մտածել սովորեցնողն ուսումնարանը չէ,
այլ ժամանակը, որի տւած կրթութիւնը հազարա-
պատիկ բարձր է դպրոցական կրթութիւնից: Ժա-
մանակ ասածդդ մեր օրերում սաստիկ արագացրել է
իր ընթացքը և ամեն մի րոպէում մի նոր չար և մի

Նոր բարի է ծնում: Ժամանակի բերմունքի առաջքը ոչ մի ուժ չի կարող առնել. նա կարողանում է յեղաշրջել ամենայն ինչ և գլխիվայր դրւած մարդուն նորից ոտքի վրայ կանգնեցնել: Պէտք է լայն սիրտ ունենալ և լայն հայեացք:

Այստեղ ես պէտք է լոեմ, որովհետեւ բաւական շառ խօսեցի և ձեր համբերութիւնն ի չար գործ դրի: Միւս անգամ կը խօսեմ դասակարգական շահերի մասին և ցոյց կը տամ, թէ ինչ հնարներ կան, որոնցով կարելի կը լինի այդ շահերն ընդհանրացնել և ծառացեցնել ընդհանուրի բարեկեցութեան օդտին:

*
* *

Ատենախօսութիւնը վերջացաւ և մենք էլ գուրա եկանք եկեղեցուց մի շատ քաղցր տպաւորութեան տակ: Ամբողջ օրը ամենի խօսակցութեան առարկան նոյն օրւայ քարոզն էր, և խօսում էին շատ պատկառանքով: Ամենքն էլ գիտէին, որ ինքն ատենախօսը մի ճշմարիտ քրիստոնեայ է, ինչպէս խօսքով, նոյն պէս և գործով: Նրա ծուխերի մէջ շատ աղքատներ կային, բայց ոչ մէկը նրանցից օրւայ հացի կարօտ չէր, ոչ մէկը տան մնացած աղջիկ չունէր, ոչ մէկի զաւակը անկիրթ ու անգործ չէր մնում, և այդ բոլը շնորհիւ իրանց քահանայի, որ հարազատ հօր նման խնամք էր տանում ամենքի վրայ: Այս բանը տեսնելով՝ բոլոր աղքատ ծուխերը նրա ժողովուրդն էին ուղում դառնալ. բայց նա չէր ընդունում իրը և

ծուխ. միայն անուններն ու հասցէները գրում էր, գնում այցելութեան և ծանօթանում նրանց ընտանեկան թշւառութեանը: Հարուստ ծուխներ էլ շատ չուներ ու բոլորին էլ չէր ընդունում, բայց ամեն-քին էլ այցելութեան էր գնում և ամեն մէկին տաքին էր մի որ և է աղքատ ընտանիքի հասցէ: Ամեն լիս էր մի որ և է աղքատ ընտանիքի հասցէ: Ամեն մի աղքատ առն մէկ կամ երկու հարուստի խնամքի էր յանձնում, և նրանք ընդունում էին մեծ սիրով: Այսպիսի դէպքերում նա մրմնջում էր քթի տակին Աւետարանի այն խօսքը թէ՝ «Արարէք ձեզ բարեկամն ի մամնայէ»: Եակայն նա տեսնում էր, որ այս աեսակ ողորմութիւնով աղքատութիւնը չի կարելի նւազեցնել. այս պատճառով գիշեր ցերեկ մտածում էր արմատական հնարներ գոնել: Եւ նա գտնում էր, բայց իրազործելու համար այնպիսի դժւարութիւնը ներ էին դէմը կանգնում, որ իր գիւտը դառնում էր մի ուտոպիա: Այսու ամենայնիւ նա չէր յուսակ մի ժողովրդի բարեկեցութեան գաղափարը հատում: Ժողովրդի բարեկեցութեան գաղափարը բունքով նրա սրտի և ուղեղի մէջ, նրան հանուն գնելով նրա սրտի և ուղեղի մէջ, նաև հանուն գիստ չէր տալիս, և նա օրէցօր շատացնում էր խոգիստ չէր տալիս, և նա օրէցօր շատացնում էր իսունդունները վերացնելու հնարները: Նա գտնում էր, չընդունները աւելի գիւրին կը լինի ընդհանուր որ գիւղերումն աւելի գիւրին կը լինի ընդհանուր սեփականութեան զօրացնելը, իսկ քաղաքումը՝ մասնաւոր սեփականութեան մի բաժնի ընդհանրացումը, նաւով կարելի կը լինի շատացնել բարեգործական և կրթական հաստատութիւնների թիւը:

Ասանաւոր խօսակցութեան մէջ տէր հայրն իր

կրօնական դաւանութիւնը չէր ծածկում։ Նա զուտ Աւետարանական էր։ Կրօնի ինդիրներում Աւետարանից գուրս՝ ոչ մի ուրիշ զիրք չէր ընդունում։ Առաքեալներից Պօղոսին չէր համարում Քրիստոսի աշակերտ։ Ասում էր. Քրիստոս վերացրեց մարդկացին թշւառութեան միակ ազբիւր եղող ստրկութիւնը և բռնութիւնը, իսկ Պօղոսը չճանաչելով ոչ Քրիստոսին և ոչ նրա Աւետարանը, վաւերացրեց մարդկացին այդ սոոր վիճակը իրեւ ի վերուստ նախասահմանւած մի ճակատագիր և բռնութիւնը փառաբանելով՝ հասցրեց մինչև երկինք։ Իր այս ասածն ապացուցանելու համար՝ տէր հայրը բերում էր Պօղոսի ասածներից այնպիսի կտորներ, որ լսողը սոսկում էր բոլոր մարմնով։

Նրա ծուխերի մէջ հաղիւ թէ լինէր մէկը, որ Աւետարանի ոգին ըմբռնած չլինէր։ Թերահաւատներն ու անհաւատներն իրանք էին գնում մօտը իրանց իմաստակութեան բոլոր զէնքերով զինաւորած, և նա ամենքին էլ զինաթափ էր անում։ Ներս էին մսնում իրեւ Աւետարանի հակառակորդ—և դուրս էին գալիս իրեւ ամենաջերմեռանդ պաշտպան։ Նա աւաշ մերկացնում էր Աւետարանը իր արտաքին արդ ու զարդից և ասպա անդամատելով ցոյց էր տալիս այս և այն մասի նշանակութիւնը, և վերջումը լսողի առջևն էր դնում Աւետարանի սիրտը, այն սիրտը, որտեղից բղխում է մարդկացին կեանքի անմահական աղբիւրը—ազատութիւն, սէր, եղբայրութիւն, մի խօսքով՝ երջանիկ կեանք։ Աւետարանի

քոլոր այլաբանութիւնները պարզում էին, և ինչ որ երկինք էր լինում տարւած, իջնում էր երկրիս վրայ, ինչ որ Աստւած էր, գառնում էր մարդ, և ինչ որ մարդ էր, գառնում Աստւած, և այդ Աստուծոյ առջև չոքում էին նախկին թերահաւատները, երկրպագում նրան և յուզւած ու աչքերն արտասունկով լիքը՝ գուրս էին գալիս այնտեղից մի նոր յուսով, Աւետարանի լուսով լուսաւորւած և Աստուծոյ որդիք դառած, զի Ուրք ընկալանն զնա, ետ նոցա իշխանութիւն որդիս Աստուծոյ լինելու։

ՀՀ Ազգային գրադարան



NL0568813

ԳԻՆԻ Ե ԶՈ ԿՈՊԻԿԻ

Վաճառութեամ է «Մուրջ» ամսագրի խմբագրա-
տանը:

(Մուրջ՝ Տիֆլիս. Բեդակցիա „Մորչ“՝ կամ Tiflis.
Rédaction de la revue Mourteh).

12 MAR 2013

✓

11.1.

11.1.

1982

